

天文管窺輯要

廿八之廿一

漢書門			
九	六	二	九
冊	架	函	號
二	四	七	二

三	五	九
二	二	六
二	四	元

內閣文庫	
番號	漢 9629
冊數	24 (11)
函號	305 261



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





等類輯要卷之二十八

安黃 鼎玉耳父纂定



男九命簡臣

侄九錫公位

九疇倫叙

九如眉介

侄孫珮琢成


珂先鳴

桐城方兆及子詒全閱



等類輯要 卷之二十八

垣 市 天



尾宿論

尾九星爲後宮后妃之府也第一星后也次三星
 夫人次五星嬪妾末二星傍一星曰神宮解衣之
 內室尾之九星宜均明大小相承則後宮有序多
 子孫月五星客彗守犯女主憂主損嗣天下大亂
 燕分兵災龜五星在尾南占主吉凶魚一星在尾
 河中主陰事知雲雨之期傳說一星尾後巫官也
 主章祝天江四星在尾北主太陰江星不具天下
 河津關道不通若動搖天下大水亡則兵起參差

則馬貴熒惑守犯有兵胡王死津河絕

尾宿說

尾九星去極百二十四度宋志云去極一百二十七度半赤道十九度十分黃道十七度九十五分黃道自尾三度十一分十五秒入寅赤道自尾三度十五分四十五秒入寅尾上十二尺七曜中道主后妃御敘於主所北去一丈爲天之中道其上近心心之第一星后次三星夫人也次二星爲嬪末一星相比者爲妾尾爲九子星乃生生之源也

身二星傍一小星曰神宮解衣之內室也其色尚明大小相承則后宮無妬而多子孫暗則后有憂疾踈遠則后失勢不常則妃妾失序動則后妃不和大臣亂就聚則大潦水犯之及月暈則后妃有死者火犯之宮中乖亂歲守之人主以嬪爲后月犯歲在尾則大臣死五星聚若熒惑先至而先去其占燕地有德昌無德亡客星出大臣誅彗見燕有兵喪流星來百姓流離金晝見燕有兵喪月掩此爲飢日月食主飢金火守後宮兵起土犯吉

傳說一星在尾後入河中主後宮女巫祝祀神靈
禱祈孕子故曰主王后之內祭祀以求子孫其星
明大則多子孫小而暗後宮少子動搖則後宮不
安亡則天子無嗣謂之傳說者古有傅母保母今
傳而說者謂傅母喜之也詩云克禋克祀以弗無
子此之謂也今之婦人求子皆祀婆神亦此意也
商家傳說之名偶與此同音諸子百家不詳審其
意則曰傳說騎箕尾而去殊不知箕尾專主後宮
故有傳說焉耳今疑其不類而改以爲傳說謂太
祝傳說於神宮不復讀爲傅字說字則過矣太抵
軒轅造父奚仲王良社稷在天爲星辰在人爲聖
賢於理有之何獨疑於傳說乎

天江四星在尾之北斗出入黃道舊在黃道外唐
志則正當黃道主太陰不欲其明明而動則水暴
出動搖則大水至大兵起其星不具則津梁不通
災惑守之則兵起客星入則河津絕參差則馬貴
史記云江星動涉水

魚一星在尾後入河中狀如雲主陰事知雲雨之

期明大則陰陽和風雨時暗而小則風雨不節魚
多亡搖動則大水暴至若出漢中則大魚涸死魚
龜及鱉皆水族故附於天江火守則魚南則旱守
在北則兵龜五星在尾東南入河中明則君臣和
暗則乖戾亡則赤地千里不居河中則有決衆流
者火守之兵起若在外守之則兵罷

天淮者淮河之精注諸東南大海者也江淮河沛
爲四瀆江淮見箕之下天河見昴之下沛水絕流
故天文亦不見至於井宿復有四瀆則以天下滋
之爲養也步天歌闕天淮

天漢起東方尾箕間謂之漢津乃分爲二道其南
經傳說魚天籥天弁河鼓其北經龜貫箕下次絡
南斗魁左旗至天津下而合南道乃西南行又分
夾瓠瓜人星杵造父騰蛇王良附路閣道北端大
陵天船卷舌而南行絡五車經北河之南入東井
水位而南行絡南河闕丘天狗天記天稷在七星
南而沒

尾宿主后妃之府亦主君臣又主八風主水度一

十九度一十分內十二尺爲黃道自初尾三度外
末斗四度內於辰爲寅於分爲燕於野爲幽州賦
尾箕折木幽燕是稱濱渤海高麗暨三韓之所盡
自北平之保定終薊北之所穹七月在建昏中西
正月爲旦中十月爲太陽躔次
尾宿歌
九星如鈎蒼龍尾下頭五點號龜星尾上天江四
橫是尾東一個名傳說傳說東畔一魚子尾西一
星是神宮所以列在后妃中

尾宿考

天江四星在尾北主太陰○傳說一星在尾後河
中主王宮女臣祈祀○魚一星在說東河中主陰
雨○龜五星在尾南漢中主贊神明吉凶○神宮
一星在尾第二星傍天子解衣內室
尾九星爲后宮天之行宮也占曰尾宿主八風又
曰九江主水天蒼龍之尾爲九子色明大小相承
後宮有序無妬忌多子孫搖動君臣不和就聚則
大水微暗踈遠木犯月暈后妃不利土犯吉水火

客犯凶左傳丙之辰龍尾伏辰律書尾言萬物始
生如尾

天江四星位在尾北主大陰司水明動則暴水出
火守客犯津道不通

傳說一星位在尾後河中主祝章祈保元命包曰
傳說主祝章巫官也又曰主王宮祝祭祈禱也明
大則主者多子

天魚一星位在尾後河中傳說東北主雲雨其狀
如星如雲忽忽不明常居漢中則吉

天龜五星位側尾南漢中一曰連珠主旱澇

神宮一小星在尾宿後第二星之內相去一寸名
曰神宮天子解衣之所也

尾九星十七度距尾第一星去極一百二十四度
在黃道外十五度少水星也春夏爲火秋冬爲水
爲后宮后妃之府○木守之有立太子守三日月
爲君族逆兵起妾賞權臣亂政守六十日亦然火
守之有兵相向○火守滿六十日車騎出兵起米
貴人飢○火入之大臣反有兵起○土守之魚鹽

貴兵起大將軍出征一曰后宮有黜○土火俱入
之大將軍出征繒帛布鹽米等皆大貴○金守之
國失政○金入之大亂臣爲變國易政○火守之
入之妖兵起天下大飢民相食爲後年災疫死人
多逃竄地方男不耕女不織男子貨衣小人賣男
女
日月食尾中貴臣有刑暈尾虹蜺背向將有憂亂
皇后有喪○彗孛犯之貴臣誅內寵亂後宮有伏
兵

尾宿總序

尾九星蒼龍尾也一曰天雞一曰祈木一曰天狗
一曰風后一曰天廟一曰天司一曰龍櫛一曰九
子水星也尾爲後宮后妃之府其北十尺爲日月
五星中道其上第一星主后次三星主夫人又次
三星主嬪妃次二星主媵妾其第二星又爲后族
傍一小星相去一寸曰神宮天子解衣之內室也
尾又主八風箕尾之間謂之九江口故尾星又曰
九江主水九星欲其均明大小相承則后宮有序

后妃不妬忌天子多子孫微暗則後宮后有疾動則后妃不和騰躍折絕不居其所則君臣乖天下亂有災早就聚則有大水直則皇后失勢大小不齊則妾媵奪嫡蓋天曰蒼龍之尾陽陰之所交風之所興也主禁宮祈祀蒔養之事屋明則五穀熟不明則五穀大傷

日月變異占

日在尾觸后有憂昔氏曰有疾風發屋折木人主占出入天文論曰有喪將死一曰貴臣有刑者武

氏曰後宮有憂燕地飢北夷侵境

日暈於尾陰國弱或曰將相憂巫咸曰主女喪

日在尾蝕御乘人有點者甘氏曰后族若遇妾有

坐法者一曰貴臣犯法乙巳占曰君族有刑武氏

曰女主惡之

月暈尾其分益玳有疾疫荊州占曰后妒有廢郤

萌曰歲不登不出期年有赦武氏曰女主死不死

則病

月暈心尾無骨及四足虫爲宮國易政山崩麥貴

月暈尾其分疾民多病寒熱大風至有大水

月在尾食有變后宮不安一曰后妃有不才與在
宮中有亂王蕃曰女主亂虹蜺背殃將相有憂

月五星干犯占

月犯尾君臣不和郗萌曰貴戚有討者其國有軍
在外則將死一曰后有爭人主有不令子嗣在宮
中

歲星入尾石氏曰天下諸侯有慶事期九十日巫
咸曰王者立太子后宮有賜若后族有升顯著東

官候曰妾爲嫡臣專權災禍由起乙巳占曰有日

太后子不出百八十日

木入尾而守之巫咸曰人君以后爲政官中十二
政在大臣下

木守尾旱多火災河圖曰臣謀逆兵起車馬出石
氏曰爲變大臣反逆亂從大將家起一曰宮中有
悅諛之臣急戰一曰穀貴天子欲封寵后族郗萌
曰天下牢開有大赦一曰名妖后有恐守之三十
日以上天子立后或生太子○木逆行尾星天子

淫泆○木守尾逆行成勾巳女君天人死○木舍尾處其東馬多死處其北牛多死內皆殺人其西傷穀處其南民病寒熱一曰政暴急○木乘尾民乏食○木留守陵乘中犯尾后夫人有以珠玉簪珥惑天子者巫咸曰貴臣誅死宮人出走宮中大亂兵起宮門○木出入留舍尾其國當以義致天下尾者燕星也留三十日不下有大水留五十日不下其國大臣有出之者

熒惑入尾三月客兵聚鄴胡曰宮中有讒臣石氏

曰天下有藏兵荆州占曰縑帛貴將相人民離其城東官候曰后宮有憂女主惡之一曰幸臣亂宮○火留尾箕臣下淫亂○火中犯陵乘尾皆為天下有兵大戰一曰后妃夫人忌之視其所中言○火逆行尾宿後宮失火天下有大火荆州占曰君淫泆逆行守尾兵起車騎聚於道大人宮中內亂國易政火繞尾踟躕不去人君以妾為妻○火出入留舍尾齊伯曰其國且無人兵雄起不用土功興留二十日有火災○火舍尾居其陽吉居其陰國

有憂

火守尾石氏曰歲多妖祥甘氏曰后有恐民爲變
國易政兵始動巫咸曰天下大飢人相食郗萌曰
馬多死芻藁大貴一曰君弱臣強其上一曰臣謀
主后宫干政民多死喪天下士卒行一曰大臣作
亂有反逆從大將家起一曰宮中有逆謀妃妻有
讚后者若光相反主女凶荆州占曰太守九江赤
地千里穀貴民流布貴藥草倍貴三公九卿爲奸
大將反一曰有大水郗萌曰火入尾箕九州當其

禍以其入日辰占甲乙日爲東方丙丁日爲南方
戊巳日爲中州庚辛日爲西方壬癸日爲北方
火與水星同在尾箕有赦○火與土同在尾大將
出征鹽米貴

鎮星守尾色黃石氏曰自禽獸多暴於民玄冥占
曰后夫人有喜一曰天子立后巫咸曰兵起海中
占曰高田不得食下田荒人大飢郗萌曰大臣誅
○土星守尾芒角動搖天下更主易政人不安居
○土逆行入尾妾爲女主一曰女主不居其宮女

多以色進者○土出入留舍尾大將出師魚鹽大
貴○土犯尾國多盜賊石氏曰天下旱人飢兵起
乙巳占曰女主犯夫人惡之○土入尾人飢兵起
○太白犯尾民爲變國易政一曰女主憂天下亂
國乏糧

金守尾甘氏曰宮人有犯罪者巫咸曰有兵亂多
水災五穀不成一曰宮中有罪者爲亂郝萌曰虫
蝗大作軍無糧士卒滿道不行一曰金守尾近女
主去遠女主死巫咸曰太后去宮人多死之

太白出入留舍尾兵起於野一曰米貴其歲仍荒
○太白中犯陵乘守尾犯后有以誅之惑天子讒
誣大起后與相受誅宮人出走兵起宮門太白抵
尾人主惡之

太白入尾大臣起兵人民受殃石氏曰兵起西方
一曰近爲亂○太白入尾而守之兵大起民多妖
言期三年○太白失行入尾或犯之不有破軍必
有屠城

辰星入尾天下大水江河決溢魚鹽貴三倍米貴

管子地員篇 卷之二十八 三
○水守尾大人女君惡之一曰大飢人相食民離
其土君子賣衣小人賣兒又曰后妃有亂執政得
事有水災多病疫一曰以水兵起一曰后宫有得
罪者一曰用事者殃有失赦者海中占曰兵起臣
下賤易貴○水中犯乘陵逆守尾占同太白

客星流星彗孛干犯占

客星入尾甘氏曰天下飢人相食流徙他所疾病死
亡男不得耕女不得桑一曰忌之春秋聖洽符曰
大水石氏曰北夷大飢來降又曰國多土功有尾

之獸大災一曰多風雨宮人災皇后去其宮賤
有暴貴者石氏曰蒼星入尾故臣有從他國來使
者○太白入尾邊城有兵司空死之一曰備賊臣
客星入尾歲多大風大雨爲災一曰後宮有憂一
曰君使人於諸侯備賊臣陳卓曰兵革罷敝天下
大飢黃帝占曰天下人民多死○客星入尾賤女
入宮

流星出尾君臣相伐色青黑臣有逃者○流星入
尾后妃有憂一曰有黜者一曰賤女暴貴一曰故

臣有歸國者前赤後白人主死將軍行從酉昏期十日從昏主人定期九十日○流星犯冲尾后妃有貶黜春夏妃宮口舌起秋冬妃有妖言者被誅一曰佞臣受誅○流星抵尾后妃死天子不安彗孛出尾歲多惡風暴雨天下大水大飢后相貴臣皆有憂○彗孛入尾后妃有以珠玉簪珥惑天子而起讒誣者后與相皆有殃兵起宮門貴臣誅國易政土功大興期百八十日犯之同占

雲氣干犯占

青雲氣入尾故臣有來歸者出尾來臣有死者○白氣入尾故臣有謀來歸而受誅者○黑氣入尾故臣有來歸骸骨者赤黃色氣入尾有使來言兵事○黑氣入尾流之青氣出尾臣作亂赤黃氣出尾君遣使於諸侯言兵事○晉惠帝永興元年七月太白犯尾箕占曰女主憂又曰天下大亂是時劉聰石勒李雄等並起跨州郡皇后羊氏數被廢黜

尾宿去極度數考

按尾宿本位居寅之次燕幽州之分凡十九度十月旦在卯十一月旦在辰十二月旦在巳正月旦在午二月旦在未三月旦在申四月旦在酉三月昏在卯四月昏在辰五月昏在巳六月昏在午七月昏在未八月昏在申九月昏在酉

尾九星十九度距西第二星去極一百二十度入尾初度亦曰九子星宋均曰尾屬后宮塲故得兼子子必九者取尾有九星也爲后妃之府後宮之塲塲者塲字也字孕也塲也所謂蒼龍之尾尾東

星故蒼龍名之焉主陰陽之交泰風雨之乘輿尾十二支屬寅寅爲正月三陽開泰天氣下降地氣上升陰陽交萬物咸亨尾蒼龍之象故乘風而雨之以興焉者因也漱清考寅屬虎虎嘯風生雨亦因雲亦行焉月到尾必暈風雨自生焉又查乙巳占正月建寅朔至七日上半月王相日或寅申日若月暈者虎生子非可言其災異上第一星后也次三星夫人也次則嬪妾也漱清考古天子立后宮后乃皇后掌昭陽正宮立三夫人九嬪二十

七世婦八十一御妻皆天子內之佐陰教之司
故尾屬陰故多風雨

占曰蒼龍尾也色欲明大小相承則妃后無妬后
宮有序子孫衆多昏小則后妃有憂疾踈折后妃
失勢就聚有大水五星犯日月食后妃災土星木
星守后宫有喜客星守犯宮中有內亂事彗孛守
后妃惡之

龜五星距大去極一百四十度○半入尾八度○
半在尾之南漢中主贊神明定吉凶史記云堯沉
璧於洛玄龜負書出焉背上赤文朱書云天錫禹
書神龜負文而出禹因之而開九疇洛書云靈龜
者玄文五色神龜之精也能見存亡明於吉凶洪
範云龜之吉凶也千歲而靈此禽獸而知吉凶也
周禮春官龜人掌六龜之職各有名物天龜曰靈
屬地龜曰繹屬東龜曰果屬西龜曰靄屬南龜曰
獵屬北龜曰若屬各以方之色與其體辨之漢中
天漢之間也後言漢中河中也贊猶助也漱清考
莊周云神龜有七十二贊能見夢於元君而不能

避漁且之網爲人能知其吉凶而不能自爲吉凶
孔子曰臧文仲居蔡明仲爲不知也後有裴度賦
神龜之作焉賦曰茫茫積流祚聖有作動上天之
密命假靈龜以潛躍蓋欲以慶遙源敷景鑠寫物
象之精密化人物之朴略豈不以河之德兮長龜
之壽兮會昌載禎符先呈於古帝稱大寶後遺於
寧王故將出也感天地動陰陽浮九折之澄碧散
五色之榮光然後蹈箭流而沫花浪露玄甲而明
繡裳初若沉圓璧未沒稍似泛孤鳧而欲翔旣而
降芳蓮蹈清沚五老遊而共覩列聖過而每喜出
朝日如耀其實圖伏靈壇狀陳其鏤筮布爻象之
糺紛蘊天地之終始負謀謨之畫將化洪荒當授
受之時豈思綠水非臆對之可述諒鈎深而有致
所以出河宗作天瑞馮夷倚浪以相送神魚鼓舞
而旋避於戲冥數杳然自我而傳外骨明賁中心
善泉將後天而思永豈爲贄而居前至如魚託素
以達情鳳銜詔而展禮未若墻開八卦兆動四體
闡文教寧木鐸之足儔贄貞明與日月而同啟洎

乎形貌既著品物類分榮萬化之茫昧合一氣之
網緼識用光於夏葉繇每煥於羲文此乃天理用
彰神道設教故躍波而委質殊以文而飾貌觸綸
誠怪於文鱗隱霧徒嗟乎文豹此悠久也可是則
而是効

占曰龜主知國家吉凶明則君臣和兆祥不明則
君臣不和兆不祥亡則天下旱赤地千里黑氣入
主風雨

天江四星距南去極一百四十度○半入尾十度

在尾北主太陰淳風云主津渡河梁激清考江
出蜀俞氏激外岷山其照可以鑑物鑑觴及其
於江不可以涉江有二一曰文江一曰流江又有
三一曰崑江一曰松江一曰浙江又有九江一曰
易江一曰秦江一曰烏白江一曰嘉靡江一曰猷
江一曰源江一曰廩江一曰提江一曰茵江
占曰天江不欲明明大動搖則大水暴至天下滂
水守主大水

傳說一星去極一百二十六度入尾十五度○半

在尾後河中主后宮巫官又主巫祝前解見

魚一星去極一百二十五度入尾十六度在尾後
河中主陰事知雲雨之期魚生於水水屬陰雨爲
水故主陰也漱清考魚乃水虫鱗物種類甚多不
一也世有如崇觀魚惠子觀魚臨淵羨魚賞花釣
魚文辭紛紛膾炙人口不既副錄獨取盧照鄰作
窮魚一賦事義雖不切文辭甚麗都此君亦有爲
而發也賦曰有一巨鱗東海波臣洗靜月浦涵丹
錦津映紅蓮而得性戲碧浪以全身宕而失水屈
於陽瀕漁者觀焉乃具竿索集朋黨鳧趨雀躍
馳電往競下任公之牻爭陳豫且之網螻蟻見而
甘心獮獺聞而抵掌於是長舌利嘴曳綸垂釣拖
鬚挫鬣撫背扼喉動搖不得騰躍無由有懷畿淵
寧望洪流大鵬過而哀之曰昔予爲鯤也與是游
乎自予羽化之子其孤俄撫翼而下負之而趨南
浮七澤東汎五湖是魚也已相忘於江海而漁者
猶悵望於泥塗

占曰魚主水旱陰雲風雨明大則風雨多如常則

風雨時若動搖則大水暴至主多魚多米火守主
旱水守主勞

神宮一星去極一百二十三度入尾一度在尾西
第二星傍爲附座解衣之內室后妃夫人解衣之
宮漱清考神宮附尾尾乃妃后嬪嬙之處神宮又
天子燕寢解衣之所謂之曰內室嘗味白居易長
恨一歌摩擬神宮內室多有不遠逕庭者歌云漢
王重內思傾國御宇多年求不得楊家有女初長
成養在深宮人未識天生麗質難自棄一朝選在

君王側迴頭一笑百媚生六宮粉黛無顏色春寒
賜浴華清池溫泉水滑洗凝脂侍兒扶起嬌無力
始是新承恩澤時雲鬢花冠金步搖芙蓉帳裏度
春宵春宵苦短日高起從此君王不早朝承歡侍
寢無容暇春從春遊夜專夜後宮佳麗三千人三
千寵愛在一身金屋粧成嬌侍夜玉樓宴罷醉和
春姊妹兄弟皆列土可憐光彩生門戶遂令天下
父母心不重生男重生女驪宮高處入青雲仙樂
風飄處處聞緩歌慢舞凝絲竹盡日君王聽不足

魚陽鞞鼓動地來驚破霓裳羽衣曲九重城闕烟
雲生千乘萬騎西南行翠帶搖搖行復止西出都
門百餘里六軍不發無奈何宛轉娥眉馬前死花
鈿委地無人收翠翹金雀玉搔頭君王掩面救不
得迴看血淚相和流黃埃散漫風蕭索雲棧縈迴
登劍閣劍閣玲瓏五雲起其間綽約多仙女中有
人兒名玉妃雪膚花貌參差是金闕兩廂叩玉扉
轉教小玉報雙成聞道唐家天子使九華帳下夢
中驚攬衣推枕起徘徊珠箔銀鈎迤邐開雲髻半

偏新睡覺花冠不整下堂來風吹仙袂飄飄舉
似霓裳羽衣舞玉容寂寞淚闌干梨花一枝春帶
雨含情凝睇謝君王一別音容兩渺茫昭陽殿裏
恩愛絕蓬萊宮中日月長迴頭下問人寰處不見
長安見塵霧空持舊物表深情鈿合金釵寄將去
鈿留一股合一扇釵擘黃金合分鈿但教心似金
鈿堅天上人間會相見臨別慙慙重寄詞詞中有
誓兩心知七月七日長生殿夜半無人私語時在
天願爲比翼鳥在地願爲連理枝天長地久有時

盡比恨綿綿無盡期此白生為尚柔媚者誠而非
 為尚方正者談也世有誦美人賦者有曰願以進
 佳冶者為薦士之端微艷色者為聘賢之本闕下
 駿奔王庭麋至野無遺材山無逸士官府借道中
 外生春此謂淑美豈同夫玉顏絳唇巧笑工嘔迷
 感有國之君
 占曰神宮明則后妃吉暗則后妃有疾病彗孛守
 後宮有陰謀黃氣入后妃有喜

尾宿雜座

神宮

神宮一星在尾西第二星傍為附座解衣之內室
 也

天江

天江四星在尾北主太陰其星不欲明明大則天
 下水災微小如常則陰陽和水旱調明而動則水
 暴出江河溢五穀不熟民以水飢參差不齊則天
 下馬多死中河而居則兵起如流沙人死如亂麻
 川人渡河星不具則津梁不通芒角動搖則大水

沒城郭

月犯天江天下有大水入城郭民飢去其鄉

熒惑守天江有立王賊起水中有水火守天江赤

地千里太白犯守天江河津不通客星歷天江有

大兵攻王國

流星出天江有大水河海溢人飢彗孛犯歷天江

出軍於野青氣出天江大水黃白氣入天江天子

用兵出之兵罷

傳說

傳說一星在尾後河中主祝章為後宮祈神明

子孫一曰傳說主祝巫官也章請號之聲也一曰

傳說女巫也主王宮之內祭祀祠鬼神祈禱子嗣

詩云克禋克祀以弗無子此其象也其星明大則

王者多子孫後宮安暗小則後宮不安不見則後

宮多疾病子孫不昌多死者傳說星亡社稷無主

入尾則天下有詛說人主者若有巫醫之害

五星犯守傳說王者簡宗廟廢五祀後宮無子國

絕祀○客星出傳說主少子孫有絕嗣

流星入傳說王者有子孫之憂出之有子孫之喜
彗字出傳說王者以嗣非其失禮爲內外所謀一
曰巫祝起讒臣宮中石氏曰王者少子孫若守之
有絕嗣之君赤氣入傳說巫祝之官受誅

魚星

魚一星在尾後河中一曰據日一曰蒙星主雲旗
繞陰事知雲雨之期其狀如星如雲忽不明常居
漢中則陰陽和風雨時明大動搖則風雨失節有
大水魚星居河東傍近箕爲常所若中河而居則
兵起又曰魚星動搖則水暴出魚星出河則旱
魚死魚星中河而居則天下大水津道塞若出河
外則天下大旱五穀不成

五星犯守魚星居其陽大旱魚鹽貴居其陰大水
魚行人道巫咸曰火星暴出魚星天下旱五穀不
成民大飢○客星出魚星魚鹽貴出之魚行人道
○彗字出魚星后黨反大海出魚若守之大水魚
行人道○赤氣入魚星車騎滿野軍大動將軍憂
○黃氣出魚星天子用事兵起入之兵罷

龜星

龜五星在尾南漢中一日連珠主讚神明定吉凶
其星明則君臣和奉祀虔神明享不明則上下乖
離臣逆於君不事鬼神國不安主有憂其星不處
漢中則川有易者一日天下水旱萬物不成星亡
則赤地千里

五星犯守龜星天下有水旱之災守其陽爲旱守
其陰爲水火星守龜星天下有大水大疫不則旱
萬物不成人飢火星入龜星兵起在外守之則兵

罷

客星入龜星兵起在外守之則兵罷一日天下倉
粟發出之珠玉貴若守之則君臣不和上下乖離
流星入龜星天下有水珠玉貴出之天下大旱五
穀貴流星出龜星色青黑所之國大水色黃赤所
之國大旱赤氣入龜星巫祝之官有誅

管窺輯要卷之二十八終

管窺輯要

卷之二十八

三

箕四星一曰天津一曰風口一曰天雞一曰風日
月五星在箕東壁翼軫者風起又主客又主口舌
又主蠻夷胡兵動則燕分兵災三星在箕南名曰
杵主庖春客星入杵天下有急糠一星在箕口客
星守犯主饑

論

箕宿論

箕四星一曰天津一曰風口一曰天雞一曰風日
月五星在箕東壁翼軫者風起又主客又主口舌
又主蠻夷胡兵動則燕分兵災三星在箕南名曰
杵主庖春客星入杵天下有急糠一星在箕口客
星守犯主饑

箕宿說

箕四星距西北星去極百二十一度半赤道十度
四十分黃道九度五十九分尾而受之以箕示婦

管窺輯要

卷之二十九

二

道也字書云女執帚爲婦周禮春枕皆掌於女奚
玉篇云丁箕承帚掃除糞穢又爲簸揚五穀之器
感切擊也木杵主春而糠者穀秕也箕止糠杵二星屬之可
以知婦無外事矣天子后妃之寢麗於此者嗣續
無窮之意東方屬春產萬物者也故太子謂之東
宮又主太子問安視膳以孝養其親也其上六尺
爲天之中道亦謂天津以其近河也故主高麗諸
國箕星好風蓋東方主風此星簸揚故主八風凡
日月水躔箕則風起正義云土氣爲風水氣爲雨

管窺輯要卷之二十九

六安黃 鼎玉耳父纂定

男九命簡臣

侄九錫公位

九疇倫叙


九如眉介

侄孫珮琢成

珂先鳴

桐城方兆及子詒全閱

木克土為妃故箕星好風是尚妃之所好也蓋風
 為土之冲氣而木克之則飛騰之象應之是以好
 風史記箕為敖客曰口舌蓋箕為天口出氣下二
 星有舌象詩云哆兮侈兮成是南箕謂讒言也朱
 子云註箕四星二為踵二為舌其踵狹而舌廣則
 大張矣又受物有去去來來之意客之象也王蠻
 夷胡貊故客兵將動先喪箕焉明大而直則五穀
 熟君不信讒暗則五穀貴君信讒間東北夷狄叛
 就聚細微天下有憂動則蠻夷有使來離徙則人



流亡若移入河中人相食月犯將軍死又曰國有
軍兵月暈金火犯則兵起金犯土於此主亡地熒
惑入主失位兵起太白妄行入箕不有破軍必有
屠城太白犯女主憂芒角則有戰陣流星犯則大
臣叛一作天雞

杵三星在箕南主春之用也直則豐年橫則饑歲
移徙人失業不見則人相食客星入之天下有急
變杵之下或有白四星悞矣

糠一星在箕口前杵之西北主簸揚明則豐暗則
饑不見則人相食客星守穀貴猪犬死

箕宿主爲嬪御又主八風又主口舌又主蠻夷度
十一度四十分內六尺爲黃道餘見尾宿下

箕宿歌

四星形狀如簸箕箕下三星名木杵箕前一粒是
糠皮

箕宿考

杵星在箕南木官也春杵之用○糠一星在箕口
前主簸揚給犬豕

箕四星一名天漢王津梁一名風口至八風一名
 狐星主狐貉一名天雞主時一名女相為赦客主
 口舌經曰天后後宮之別府也明直則豐年又主
 四夷動則夷使至遷徙則人流若移入河失國月
 一金火犯兵起

三星位在箕南主春日縱為豐橫為饑移徙人
 一星位在箕口之前主簸揚給犬豕糠粃明則
 年豐客主犯守主風雨未糧缺

箕前二星為舌若動有大風不出三日又云蠻夷
 有變凡五星在箕東風起○木守之宮中多口舌
 事○火入之守之天下大饑○火久守之環繞勾
 巳者大臣有誅有大水災若以十月守火大水人
 饑米貴五倍○土守之人饑水災萬物不成久守
 兵起人流亡○金入之守之有兵起有赦更主久
 守憂旱有大風須防內亂兵起政改○水守之大
 人有憂○客守之天下大饑兵起東來勝南來自
 如○彗守之后宮有伏兵臣叛大旱

箕宿總序

箕宿曰天津一曰天漢主津梁一曰風口一曰風星主八風一曰狐星主狐貉一曰天雞主時一曰天陣金色也又曰女相主口舌又曰天后後宮之別府也其北六尺爲日月五星中道又主蠻夷成貊四夷將動必占於箕星明夫則五穀蕃熟讒諛不用四夷來廷暗小不明則君爲國亂四夷不服內外有睽動則蠻夷有使來拆則大風爲災且有口舌相殺事離徙則人流亡君失地就聚細微則凶歲粟貴其中小星少亦入之移入河側歲大凶中河而居則人相食箕前星謂之天舌芒動則有風不出三日

日月變異占

月在箕食有疾風發屋折木大臣諛佞忠臣有誅者日暈於箕大風爲敗

月在箕食大風爲災郗萌曰車騎發陳卓曰人相食一曰君族有刑者若御妾有坐女主憂

月暈於箕五穀以風傷郗萌曰月暈圍司空不出

管子地員篇
卷之二十一
六
十里必有守倉求食者以千計之荊州占曰大風
發屋有坐口舌死者又曰北夷燕趙皆大饑荊州
占日月暈歲星在其中王者納妃妾不出百八十
日月在箕有變後宮政教失妃嬪乖怨有暴風月
失行於其風大起

月五星干犯占

月入箕粟米貴天下旱餓死過半人君暴虐政令
不平民失其所石氏曰後宮干政大風爲災郝萌
曰國亂君死有赦月在箕踵期三十日箕口期六

十日

月犯箕有讒臣不和女王憂郝萌曰其國有兵起
將死

歲星守箕石氏曰宮中有口舌事多惡風歲旱饑
人相食郝萌曰貴人多病死又曰歲有大水多土
功又曰大人守衛失又曰水守箕在東歲熟在南
早在北水在西饑東官候曰木守箕七日以上去
之七尺以內貴女有尊進者○木犯箕其歲多惡
風五穀貴郝萌曰女王宮人有憂天下大殺也乙

已占曰木守犯箕天下大旱人相食餓死者過半
凡火星中犯陵乘箕皆爲惡風○木入箕石氏曰
天下大亂凡箕中有一星民莫處其室春秋緯曰
木入箕若犯之兵大起郗萌曰木入箕糴貴三倍
又曰宮中有口舌荊州占曰歲不熟盜多鬪死者
巫咸曰木入箕中同其出入而數之期二十日兵
起又以其始入日數之率一日期十日兵罷五星
同木入箕多旱居其踵則歲熟○木出入留舍箕
者守之六十日不去其國以武致天下其燕星也
木之箕其年多風○木逆行箕君淫泆
熒惑犯箕后妃有憂郗萌曰天下國相擊男不得
畊女不得織牛馬大死○火乘箕牛馬死北夷大
饑來降○火入箕中天下大亂民莫居其室春秋
織緯曰兵起王失位荊州占曰后族有口事期六
月一曰倉粟發一曰盜起大人憂又曰歲星多饑
死乙巳占曰火入箕天下大亂穀大貴大旱人多
死○火入箕中若守之天下兵起吏人相攻士卒
半死人死流亡不居其鄉又曰國失地○火守箕

石氏曰人主惡之邾萌曰有大赦黃帝占曰火守箕在歲惡天下勞其分君有疾國有內變耳氏曰火守箕天下大饑久守及環繞成勾已大臣誅有水且旱平澤溢如海李經授神契曰火守箕多土工霜雨不時春秋文耀鉤曰主恐其國更市又曰人主自恣天下分離臣子各自爲謀邾萌曰貴臣亂國有淫事政急地動守之二月彗星出荊州占曰火守箕有大搖事九卿當之又曰胡貉又曰火守箕前其國惡守箕後糴貴三倍火以十月守箕天下大赦海中占曰是火入水萬民饑死穀貴五倍○火舍箕邾萌曰用事者坐之○熒惑舍司空三十日車大出牛馬大死芻大貴又曰後宮干政君有憂一曰臣下有淫亂○火出入留舍天下有兵吏民相攻國失地饑○火留止箕口中有兵兵罷無兵兵起吏民相攻人去其鄉宮中相讒內外皆亂○火入箕去復還守之巫咸曰大臣亂國土功興貴人死道不通天下大饑

鎮星守箕水災萬物不成人民饑死久守兵起米

管輅神書 卷之二十九 九
貴人流有赦石氏曰妃夫人有喜君立后一日王者陵發宮有亂一日多萌出有空國有死亡客水至海中占曰有大喪土工興一日人主有謀○土犯箕女主憂有赦春秋緯曰天下大亂兵大起巫咸與石氏荆州占皆同○土出箕石氏曰穀大貴天下旱饑死者過半○土出入留舍箕其年多蝗蟲留之九十日人流亡兵大起期一年東官候曰小人爲政有空國有死亡客水至人饑客亂亡○土舍箕角動色黑有土功赤色大兵起青色兩軍相爭先起者敗中起者昌後起者亡

太白犯箕石氏曰天下大饑邠萌曰女主憂一日王者亡地一日後宮有喜○金守箕兵起有赦更立人主守久旱有大風國內亂兵起巫咸曰多土工民疾疫海中占曰天下有兵芒角搖動天下無所定邠萌曰歲多水萬物不成米貴天下德令不行一日執法者爲亂大人衛守○金守箕口民多謗誹○太白入箕荆州占曰人主自備下有兵巫咸與石氏占同歲邠萌曰天下有兵戰又曰有赦

出之米貴君有土工○太白出入留舍箕五十日
不去其氏曰天下大恐多蝗蟲不入燕燕國且有
義致天下○太白逆行箕成勾巳石氏曰主大臣
為亂兵起天下憂人主當之期一年金大相隨而
又火舍天門西津舍天津中人主無出門若之遠
宮○辰星守箕五穀少收一曰其歲水災女主憂
一曰大旱多水災萬物不成一曰中國有大兵執
政者當之一曰有惡風陳卓曰河水溢有赦乙巳
占曰水守箕七日以內災禍起若有疾風解之則
冰○水守箕角動黑色貴臣相戮亦曰有自戮死
者○水入箕天下米貴十倍人流他鄉死者不葬
一曰大人當之有大赦巫咸曰同木星出之穀貴
天下大旱饑餓者過半○水入箕色赤有內亂大
風為災○火中犯凌箕大水江河溢兵起有大赦
歲多惡風

客星流星彗孛干犯占

客星入箕宮人主憂民饑大臣有棄捐者一曰客
星出箕南旱出箕北水

客星入箕天下大饑人相食民多徙棄國多土工
一曰北夷大饑來降荊州占曰多暴風雨宮中不
步

客星守箕工役大興秋冬水災石氏曰天下饑色
赤爲兵

客星舍箕秋多水來犯同黃帝占曰客星守箕北
小熟守東大熟守南小饑守西大饑

流星出箕宮人有出者一曰大臣有棄捐者

流星入箕多雨一曰有獻女者若色青則外國入

頁

流星犯箕春夏秋犯金玉貴秋冬犯土工興天子
大作宮城天下大勞

流星交對抵箕宮中不安多疾病口舌

流星大如斗沒箕中其下有流血

彗孛出箕大水出人大饑米貴五倍一曰夷狄入

中國兵大起海溢河波且有旱米貴十倍海中占

曰天下多死喪詩含神霧曰彗孛出箕君子之東

夷下濊與水居將爲亂

箕宿入箕若犯之大水海溢後宮爲亂

雲氣干犯占

黃白雲氣入箕蠻夷有使來○黃雲氣入箕有獻
美女者變而色黑道死不至色蒼道上爲風所覆
○黃雲氣出箕天子出使者一曰宮中美人有出
者○赤雲氣出箕有出入之兵○晉惠帝太安二
年八月熒惑入箕占曰人主失位兵起明年趙王
倫篡位改元

箕宿去極度數考

按箕宿本位居寅之次燕幽州之分凡十二度十
一月旦在卯十二月旦在辰正月旦在巳二月旦
在午三月旦在未四月旦在申五月旦在酉四月
昏在卯五月昏在辰六月昏在巳七月昏在午八
月昏在未九月昏在申十月昏在酉

箕四星十二度距西北去極一百二十一度○半
入箕初度亦曰天津又曰天雞爲後宮府嬪御之
象一曰南箕詩云維南有箕註云以其常見於南
方故曰南箕又主八風八風八方之風也祥異賦

管子地員篇
卷之二十一
三
云立春風從艮來曰條風條者達也達生也東北
艮卦用事此方風來達生萬物亦曰融風謂斯時
陽氣在上未能條萬物者也春分從震來曰明庶
風明者萌也萌生也庶者衆也言東方震卦用事
此方風來衆物生也亦曰穀風立夏風從巽來曰
清風清淨也明潔也言清淨芒挫特麥之秀也備
穀生絳芒收挫使成實也亦曰東方風巽卦用事
此方風來吹舒萬物也夏至風從離來曰景風景
者強也強以成之言南方離卦用事此方風來萬
物強成也亦曰景火也言陽氣長養也又曰颯風
言陰氣道竟也竟畢竟也立秋風從坤來曰涼風
涼薄也寒也言西南坤卦用事一陰方生此方風
來沉奪萬物之氣而收藏萬物也秋分風從兌來
曰闐闐風闐倡也闐藏也言陰氣倡道萬物收藏
也西方兌卦用事萬物肅殺藏斂也立冬風從乾
來曰不周風不周不交也言西北乾卦用事北方
風來陰陽不合化道不行故曰不交亦曰至殺生
也冬至風從坎來曰廣莫風廣大莫莫無之義

謂曠遠也言北風坎卦用事一陽始生陰漸無而
陽廣大也漱清考古人據風音六情占休咎最驗
第今人不得此訣也惜哉後帶風賦一首云惟茲
風之興寂獨玄妙而無形託萬物以成象隨八卦
而立名大則宇宙普洽小則纖毫必經是所以炎
清順夏勁厲隨冬入金滕而彰聖道通蘭臺而表
雌雄飄玉蕊於濃草零圭葉於衰桐候吳範於帷
內御列子於空中爾乃下振方輿上飛圓蓋懷壯
士之適秦悅高皇之過沛乍霍靡於衆卉時颼颼
於藜籟若乃乘陵高迥出入幽微搖寶釵於雲鬢
動環珮於羅衣飄遊絲以陰映舞輕雪以零飛銅
鳥迎而迴翼胡馬聽而思歸乍來復往有聲無象
驚塵則白日晝昏卷霧則珠星夜朗簫瑟長松之
下嘹唳高樓之上送夕鼓而傳音掃晨鍾而成響
出幽卷而搖拂擊華堂而清敞浸淫遷延散漫聯
綿送清聲於琴上落細粉於窓前乍卷通天之霧
時飄覆水之烟勃起則大木斯拔暫息則洪波肅
然或動或靜時來歛失聆之今有聞察之今無質

形乃虛無體兼散逸○又主口舌又主客蠻夷將
動先表箕焉天官書曰箕爲敖客主口舌宋均曰
敖調弄也箕以簸揚調弄爲象箕又受物有去有
來客之象也詩云惟南有箕載翕其舌又詩云箕
爲天口主出氣是箕有舌象讒言又詩云哆兮侈
兮成是南箕謂敖客行謂謁也箕常見在南方故
蠻夷將動先表箕焉漱清考史記云商箕子封於
古之高麗今之朝鮮朝鮮有變箕亦應焉

占曰箕上六尺爲天之中道凡日月宿暈於箕風
生焉箕又主口舌主胡夷故夷將動先觀箕大明
則五穀熟君無讒聞不見則歲荒穀貴外夷動搖
外夷使來又有大風移入河中則國有人相食金
火守犯后妃凶宜兵起水犯有口舌陰謀事亦主
水滂前二星爲天舌芒動大風彗字守穀貴十倍
人相食

杵三星距中大星去極一百三十一度入箕三度
在箕南主春白以給庖厨之用漱清考杵卽易繫
詞曰厥木爲杵掘地爲白皆熟米穀以給厨

占曰杵星明大則歲熟移徙則農人失業不見則國有大饑

糠一星去極一百二十七度○半入尾十七度在箕口前主播揚糠粃以給豢養說文云養馬牛曰揚豕豕曰豢又曰牛羊草食曰芻犬豕穀食曰豢漱清考孟子云七十非肉不飽又云孔子嘗為乘田牛羊茁壯皆豢之謂也養在其中
占曰糠星明則歲豐不見則穀貴六畜多死

箕宿雜座

糠星

糠一星在箕日前主簸揚給犬豕糠粃星明則天下豐熟暗則荒歉不見則人相食○客彗守犯糠星主風雨

杵星

杵三星在箕南木官也主春白之用其星小而明則五穀成天下安不明則歲惡明而動則天下有兵杵白用事軍糧急民失釜甑去其鄉杵縱則天下民食足橫則人饑移徙則人失業不具則民棄

金甌○五星犯守杵星天下有急發粟火守杵星
國有賦米之令○客星出杵星而守之天下兵起
有稅米粟之事○流星出杵星五穀貴杵不用○
彗孛出杵星歲大饑兵起

東方七宿雜座

平道主除道路塗轍天田乃躬畊之田野周鼎神
器也爲運祚而主流亡攝提斗罡也伺機祥而建
時節天門爲朝聘待客之所居平星主執法平刑
之典獄庫樓爲天庫以藏兵陽門主險隘而遠戍
南門天子之外門守兵禁備戎之處亢池乃舟楫
津渡大角爲紀綱棟梁帝度宴樂獻酬梗河矛鋒
與喪招搖矛盾番戎玄戈夷狄胡兵折威以斷軍
獄頡頏考察囚情天乳飴醴之事陣車兵革之車
騎官主宿衛而衛王者騎陣爲統攝而帥萬夫車
騎主布陣行列天輻主鑿駕乘輿賤人之牢星名
貫索鍵閉主管鑰以掌開閉七公主刑罰以別善
惡西咸以防淫泆日爲太陽之表積卒爲衛士而
掃除不祥從官主醫巫而疾病禱祝罰星金作贖

刑東咸亦如西考天紀理獄訟天江王太陰女牀
御女侍從傳說巫祝神靈魚王雲雨風氣龜贊神
明吉凶天籥王開閉關鑰農丈人稼穡老農糠星
以給豢養杵星以給庖春

管窺輯要卷之二十九終

管窺輯要卷之三十

六安黃 鼎玉耳父纂定

男九命簡臣

侄九錫公位


九疇倫叙

九如眉介

侄孫珮琢成

珂先鳴

桐城方兆及子詒全閱



北方七宿總論

北方七宿共二十五星其屬除天鈞止七十座共三百七十二星其精玄武宋真宗時諱玄故改爲真武斗有龜蛇蟠結之象王奕曰龜不獨介蟲之長冬令含氣伏蟄有縮藏之象焉俗傳云斗爲天廟牛爲天機女爲天女虛爲天卿危爲天錢室爲天廩壁爲天市

斗宿論

南斗六星天廟也丞相太宰之位褒善舉賢秉受

爵祿又主兵一曰天機南二星魁天梁也中央二
星天相北二星天府也南斗乃受天之期將有天
子之事必請受命焉星盛明王道和平爵祿以行
又主赦月星客彗守犯王者惡之太白熒惑客彗
守犯中央二星則上相次相災又兵喪惟土宿守
之日久吉鰲爲水蟲太陰之長感神而生客星守
之水災農丈人一星在斗西南主稼穡事狗二星
在南斗魁前主吠守狗國四星主鮮卑烏桓熒惑
客星守之夷爲變北二星曰天雞主候時天籥八
星在南斗柄西主關閉建星六星在南斗北天
也天之都關也爲謀事爲天鼓爲天馬南二星天
庫也中央二星天市鐵鎖也上二星旗跗也斗建
之間三光道也若衆星動搖則衆勞月暈之蛟龍
見牛馬疫月五星客彗守之大臣相譖亦爲關梁
不通有大兵天弁九星在建星北市官之長以知
市珍也星欲明吉彗守之糴貴囚徒起兵天淵十
星主灌溉客彗守犯則江河決

斗宿說

斗六星去極一百十九度宋志謂距西第三星去極一百十九度赤道二十五度二十分黃道二十三度四十七分黃道自斗三度七十六分八十五秒入丑赤道自斗四度九分二十六秒入丑斗柄一尺七曜中道南二星爲魁天梁也中央二星天相也北二星爲杓天府也五星貫中日月正道爲丞相太宰之位斗者宗廟酌酒器也爵人必於廟故主薦賢良而受爵祿斗爲量器所以斟酌之也掌於司尊彝故曰酌量政事之宜褒賞進賢稟受爵祿又爲天廟乃太室鎮星廟也天子之星也將有天子之事占於南斗夏秋之間見於南方而詩云維北有斗者以其在箕之北也亦曰天機其星盛明君臣一心天下和平爵祿行芒角動搖天子愁大兵起移徙則臣逐七曜逆入斗天下流蕩孛犯之兵起星小而暗則宰相廢及死火入斗赤如血者早火在斗中赤怒如五斗器非常也火逆行入斗其地有死君火守之其國絕嗣熒惑入斗黃道經曰必以期年有大亂海西占云多盜火旱月

管窺輯要 卷之三十一 四
犯斗女主憂太白夕見在斗去地一丈而墜占曰
兵聚其下山摧石裂大水竭月掩斗占大臣太子
辱風雨不時土星守之地動客星在斗有兵有赦
金入斗口黃帝經曰國易政金犯斗大喪有赦金
晝見於斗吳越有兵喪南斗亦以四星爲魁故月
入南斗魁占曰吳饑疫水星入斗魁中大赦金犯
第一星天下有兵又曰大臣憂金犯南斗西第二
星小人在位兵革欲興客星在斗第二星主饑主
水熒惑犯第三星兵火起中國饑一曰赦火入第
三第四星兵饑月犯第四星因入斗有兵又主赦
金入斗第四星將軍爲亂丞相死又云有赦天下
受爵祿若月掩第四星不出三年大臣誅死月犯
第五星將軍死大臣去月掩第五星國憂兵火若
熒惑犯第五星兵起元史斗四度三十六分六十
六秒入吳越王奕曰南斗六星合距杓星爲度而
今曆家距魁第四星爲度杓二星則入於箕矣蓋
杓二星不當日之度而魁第四星當度故距於魁
而得二十六度今按赤道止二十五度又南斗主

壽昭公八年歲星當在析木而在星紀盈一次矣
故傳曰越得歲凡歲所在其國有福吳先用兵故
反受其殃闔閭死焉

建六星在斗背亦曰天旗臨於黃道天之都關正
月之吉和布法象於其上者也舊去黃道半度唐
志測去黃道四度半斗建之間七曜之道南二星
天庫也中央二星市也鐵鎖也上二星旗跗也爲
天鼓爲天馬建主謀事動搖則人勞月暈則蛟龍
見牛馬疫月食五星犯守大臣相譖臣謀主亦爲
關梁不通有大水月令仲春旦中孟秋昏中

天弁九星在建北入河中天子之弁冠掌於弁師
又市官之長也主列肆闌闌若市藉之事以知市
珍也星明則吉彗孛犯守糴貴兵起

天籥八星在斗杓西南主鎖鑰關閉門戶凡國家
秘書藏之金櫃石室若大盟約開籥見書之類皆
天府之所職也此皆春官宗伯之事故列象於丑
寅之間明則無盜暗凶

農丈人一星在斗西南老農主稼穡者常以立夏

夜半占之明則稔暗則饑不見則人相食客星守
則農艱食彗見大饑故曰遠望南方星老農獨爲
尊圓光似明鏡主國大豐盈

鯨十四星在斗南爲水蟲歸太陰占居漢中有水
災有星守之主潦白衣會火守之則旱

天雞二星在狗國北主候時以催耕也金火守入
兵大起

狗二星在斗魁東南主吠以守禦奸回也不居常
處爲大災雞狗農家常畜所謂制其田里教之樹
畜者也

天淵十星在鯨東南主海中魚鯨一曰天海一曰
天池主漑灌火犯守天旱水守之大水地動魚鱉
出天淵是九坎之泉或又有天泉十星在天淵之
西悞矣

狗國四星在建東南主鮮卑烏桓獫狁之屬四夷
雖入類而其性之異於禽獸者幾希以其得天地
之偏氣也火守則外夷爲亂大且明則邊寇入暗
則安金逆行守之其國亂客星犯守有大盜其王

且來朝
 斗宿主天廟宰相又主薦賢良而受爵祿度二十
 五度二十分柄一尺為黃道初斗四度外末女初
 度內於辰為丑於分為吳越於野為揚州賦斗中
 星紀吳越隸揚負淮水南及瓊厓之雷萬濱彭蠡
 東逾兩浙蘇杭於八月在牛昏中西二月在建旦
 中西十二月為太陽躔次

斗宿歌

六星其狀似北斗魁上天建六相守天弁河中建
 上九斗下圓安十四星雖然名繫貫索形天雞建
 背雙黑星天籥柄前八黃精狗國四方雞下生天
 淵十星繫東邊更有兩狗斗魁前農家丈人斗下
 眠天淵色黃狗色玄

斗宿考

建六星在南斗北為謀事為天鼓為天馬南二星
 為天庫中二星為天市上二星為旗鼓斗建之間
 三光之道陰陽始路之門○天弁九星在建星北
 市官之長也主市利商賈之事○天雞二星在狗

國北主候時令以催耕○狗國四星在斗魁東主
三韓鮮卑烏桓獫狁之屬○狗二星在斗魁前主
守御○丈人一星在南斗西南主稼穡○天籥八
星在南斗狗西主開閉門戶○天淵十星在鬚東
主灌溉○鬚十四星在斗南主水族

北方七宿之星按玄武屬水居北斗本北方爲坎
北方龜形乃其本象又分爲龜蛇兩物于寶以坎
爲狐虞翻以艮爲狐天文以心爲狐互發也運斗
樞曰玉衡散而爲鼠玉衡斗星亦坎也牽牛在丑
北星河鼓亦名牽牛言陽氣行而萬物出也女河
四星賤織女三星貴妾與天女異分也天牢六星
貴人之牢也貫索廢人之牢也北七宿中多言宗
廟禱祠者以北方幽陰鬼神之窟宅也言宮室女
工以應冬候陰極陽生是以列宿皆起於牽牛之
初○又云河鼓將軍象也非牽牛孫曰河鼓在牽
牛之北

斗六星天廟亦爲壽之期爲丞相大宰之位酌量
政事之宜主褒賞進賢稟授爵祿又主兵南二星

天梁中二星天相北二星天府庭明正王道和平
爵祿行芒角動孛犯兵起傳曰辰在斗柄言月會
南斗

建星六星在南斗背上南二星天庫也中央二星
天市也上二星旗跗也天之都關也主三光七曜
所行之事其星欲均明

天弁九星位在建星之北入河中市官之長也主
列肆商賈賦稅之事明大則市中物盛
天雞二星在建之東主候時金火守兵起

狗二星在南斗前防奸回主卿臣也不宜移徙
天籥八星在斗杓第二星之西主關鑰開閉明吉
狗國四星在狗之東南主鮮卑烏桓之夷星不宜
明金火守兵起

農丈人一星位在斗南主農官督耕之事
天鰲十四星在農丈人南主大陰司水蟲不在漢
中卽凶

天淵十星在鰲東一曰天池主灌溉溝渠之事
斗宿南斗六星二十六度距斗魁第四星去極一

百一十七度半在黃道外度半木星也春夏爲水
秋冬爲土北方玄武之宿一名天府一名天關一
名天帝壽之期中二星天相也爲天廟爲爵祿主
褒賢進士主兵動則兵起明則王道平將相同心
不明則大臣失位芒角動搖國失忠臣天下愁兵
起將有事占於斗

木守之經六十日有大臣增壽爵祿○木逆行入
斗魁中大臣爲逆君火守有兵水災大饑人相食
凶惡火守之國有變宰相不安兵大起○火逆行

斗守環繞成勾已者國有大災將相出走主崩火
久守國少嗣○火入斗兵起吳越魚鹽大貴○土
入斗中有王者用共聚而昇天位守之九十日有
兵起水災○金守之執政大臣爲逆國亂兵起有
赦

金與火俱入斗名曰爍必有臣子爲逆若經過速
出者禍難速在九十日○水守之有水災土亦然
客守之有兵絕道有大賊盜多亂有喪弟殺兄子
殺父臣謀君或主崩米貴久守國絕嗣○客守斗

第二星大水人相食○日月入斗大臣失位或被
戮○日月食斗中日帝惡之月后惡之○月暈食
斗人流千里兵從東勝南負

斗宿總序

南斗六星曰天廟一曰天立一曰天闕一曰天機
一曰天府一曰天庫一曰天同玄龜之道丞相太
宰之位木星也立天子壽命之期主酌量政事稟
授爵祿日月五星貫之爲中道其南首二星曰魁
爲天庫又爲天梁主兵中二星爲天相主傳祿北
尾二星曰杓爲天府主壽命將有天子之事占之
於斗其魁第一星主巳火第二星主會稽第三星
主豫章第四星主廣江江杓尾第六星主九江斗
北大星亦曰天闕天子之政旗也土官也六星欲
其均明明盛則君臣同心天下安寧爵祿不僭風
雨順時人主壽康五穀蕃昌暗小則君臣失位天
下不安芒角動搖則忠臣失勢天下愁怨大小不
齊則上下乖違移徙則賢臣逐天下病變色失常
則陰陽不調宰相調之

日月變異占

日在斗蝕人主惡之春秋感精符曰將相有憂國
饑凶兵起甘氏曰其國反叛武氏曰吳地有兵
日暈守斗宗廟不安宗臣囚死又曰宰相易有誅
或人流亡
月在斗蝕女主惡之一曰國饑有小兵天文錄曰
元熹有黜者一曰相將有憂兵起國亂
日暈於斗人流千里郝萌曰大將死牛馬大病陳
卓曰大臣災大將爲亂五穀不成

日暈箕斗兵起東北方來者勝從西南方來者不
勝一曰五穀不成易大將

月在箕而暈箕斗兵在外戰月在斗兵罷

月在斗有變國易相爵祿失大臣憂刑戮人非理
食祿更易天子法令者一曰近臣死

月五星干犯占

月入南斗大臣失位有誅死者郝萌曰天子有殃
一曰宮人中有自賊者荊州占曰吳越有災期不
出三年陳卓曰兵起大赦

月入斗魁中大人憂天子辱宮中有賊月以子丑
中入南斗京房占曰後百八十日有赦無餘囚黃
帝占日月以四月三月入斗中天下大赦近期六
十日中期六月遠期一年月一年三入斗魁中有
兵起有德令

月犯南斗大臣誅大將反兩邊臣去女主凶一曰
相死陳卓曰風雨不時兵起○月乘南斗色惡相
死○月宿斗有風雨

歲星犯南斗吳越有福其歲大豐守之六十日臣
有增爵者石氏曰歲星守斗久則貴穀君臣乖失
道者死

木犯南斗石氏曰有赦郗萌曰兵起大臣死春秋
圖曰大臣有逆謀歲饑人相食○木凌乘南斗大
臣有謀反伏誅者

木入南斗郗萌曰天下受爵祿近期六十日遠百
二十日海中占曰人多死者荊州占曰有大水陳
卓曰歲旱卿相有憂太后惡之一曰絲麻賤

木經南斗吳國大稔經魁中失道之君亡大臣死

木逆行入南斗陳卓曰有亡國死王春秋藉符曰
大臣君國相爲逆天下難君臣幸
水逆行於斗宿人君嘗非其人逆入斗魁中大臣
謀作亂兵起水災穀貴○木順行守斗已去之後
還居之行色不失天下同心爵祿不僭時和歲豐
其國大昌○木出留舍南斗六十日天下大饑若
有兵來伐其國則客軍大敗
歲星居南斗海中占曰五穀以旱傷居其北不利
小兒一曰牛多死其肉殺人居其西歲多饑傷民
多死北官侯曰虎狼入國居其南人多病寒熱一
曰多亡狗居其東馬多死肉殺人一曰歲星居南
斗北其歲旱水晚旱郝萌曰歲星居南斗旗國不
用衆而有天下旗者杓尾第六星也
熒惑守南斗國有憂相不安兵起黃帝占曰有亡
國失地兵大動又曰國出婦女轉漕君有諸侯客
來見天子者糴貴一曰太子疾吳越有憂五行傳
曰爲亂賊爲喪爲兵守之大國絕嗣海中占曰旱
多火災郝萌曰大人憂有赦一曰有內變一曰五

穀不成地動嬰兒多死關梁不通有廢臣天下亂
乙巳占曰火守斗二十日有赦又曰宰相出兵
起已去而復還守之宰相死
火以干月守南斗三十日民介胄不出一百國有
兵亡○火犯南斗有破軍殺將一曰有赦海中占
曰有反臣道路不通丞相有事天下饑

火入南斗將相有謀反者石氏曰大國之臣內外
謀大亂一曰其地有死君又曰越人相食甘氏曰
兵大起大臣誅郗萌曰國饑又曰玄天子立天下
受爵祿一曰天下先澇後旱

火入斗而守之三月吳王死二月后死一月相死
不死則出走○火晨出東方而入斗因守之其國
絕嗣○火留南斗無功者賞○火過南斗出斗上
行疾天子憂出斗不行疾臣憂○火逆行南斗土
功興若芒角怒動天下大震○火逆行入斗口中
天子惡之○火逆行經南光去及之其國君薨○
火出入留舍斗魁中五日不去天下起兵國易政
○火舍南斗西大梁不實舍斗東天下大戰若還

繞勾已之大尉幸相死已去而復入大人忌之
鎮星入斗中有王者出不用兵而升天位郗萌曰
天下受爵祿春秋聖洽曰鎮星入斗口而守之人
背其主天下雍滿在陽爲天子在陰爲諸侯荊州
占曰將軍戮司馬處天文志曰貴臣將相死或曰
外國有使來見○土失行入斗中國失地又曰有
喪兵起國中又曰天子不可出遊不可見諸侯
土守南斗王者賞諸侯上官有受賜者石氏曰國
多義士郗萌曰地裂山崩天子失制有大赦荊州
曰大逆奸人謀君在陽田宅貴在陰田宅賤一曰
大臣有黜者一曰有暴水火之災○土星犯斗石
氏曰大赦乙巳占曰先水後旱若守之一旬名水
有溢者否則水暴出
水出南斗兵起四方○水逆行南斗地動郗萌曰
王者賞賜失節一曰女主淫泆賜子不下一曰臣
謀君○土居南斗河戍間郗萌曰道路不通○土
出入留舍斗三十日不下有大喪五十日不下彗
星出九十日不下天下有動兵○鎮星行南斗不

由中道大王嫡子失位
太白守南斗執政大臣作亂兵起有赦黃帝占曰
大人當之國易政一曰所守之國凶一曰將戮一
曰夷狄內侵有兵戰

太白犯斗小人在位有赦一曰有喪天下受爵祿
○太白犯斗而守之石氏曰有兵戰破軍殺將一
曰國有兵事大臣有反者誅死

太白入斗國更政石氏曰將軍作亂大臣御守有
大赦有兵在外罷甘氏曰將軍誅國易政期三年
海中占曰將相有破殺者郝萌曰不出三十日有
大兵相死陳卓曰君死否則疾疫

太白入犯南斗已去之復還守之有兵戰將死一
曰大臣死名士憂○火同入南斗臣子爲逆久留
則禍逆而事入去速而易平

辰星守南斗水災郝萌曰有兵易政陳卓曰萬物
不成五穀傷敗洪範傳其國不可舉事用兵必受
其殃荊州占曰鐵鉞用黃帝占曰辰星守斗赤而
角天下敗白而大諸侯俱裂動相敗爲和黑而小

所守之國亡石氏曰辰星守斗在北民凍死在西
虎狼入在南多死在東女子多死甘氏曰辰星守
斗角動而青黑色天下水橋梁不通大人死
辰星失行守斗將相誅○辰星犯斗有赦一曰有
戮將死相天文錄曰有水災辰星入斗南巫咸曰
大臣誅郗萌曰天下受爵祿辰星入犯斗而晉守
之有兵大戰破軍殺將辰星入斗南天下大水傷
穀人饑

客星流星彗孛干犯占

客星守南斗有兵絕道大水盜賊起國有喪君臣
父子相殺久守之國絕嗣黃帝占曰君臣不相親
兵起五穀先賤後貴郗萌曰諸侯有謀工役興軍
士走一曰大旱人疫宗廟憂災天下易政土官憂
春秋耀鈞曰客星守斗五十日臣謀主兵大起天
子死國易政期三年色青白大水色赤大將戰死
客星出斗石氏曰天子使人於諸侯色青憂事色
赤兵事黃土功事白義事黑凶事又兵大起大水
天下饑人相食關梁不通期一年郗萌曰赤星出

南斗魁前宮中兵起出斗中將戮死○客星舍南星爲水爲饑道路不通

客星犯南星其國亂兵大起期一年陳卓曰王者病臣謀君子謀父弟謀兄諸侯不通天下易政遠不出三年

客星入南斗石氏曰諸侯來見天子者以五色言其事巫咸曰下伐上夏氏曰諸侯相攻郗萌曰多盜賊陳卓曰穀不登人相殺黃帝占曰客星入斗中三月不去城郭門閉道路不通貴人受其殃外兵殺傷外國來而不降一曰獄官受誅有赦赤星入斗中宮人生子非其子也

流星入南斗穀貴民勞有易王一曰外國有使來色赤言兵黃言功白言易青言憂黑言死喪事○流星出斗天子使出以色列占其事以星所抵之宿占其所之國○流星犯南斗宰相災一曰春犯天子災夏犯有水災宰相出冬犯斗魁大臣遷主命○流星從南斗起入北斗有赦

彗星出南斗天下有勢者皆有謀甘氏曰大臣反

兵水並起有戰流血天文錄曰主憂一曰宮中失
火陳卓曰天子病諸侯睽不通○彗星入斗大臣
反宮室焚○彗孛滅斗人主亡斗星明有者誅
彗孛犯斗主爵祿臣憂王者疾病臣謀君子謀父
弟謀兄上下無禮諸侯不通易政大亂兵起則八
十日遠不出一年一曰吳越兵起有自立者三年
而滅一曰吳越有大水

雲氣干犯占

蒼白雲氣入斗多大風 赤雲氣入斗兵起如波

揚大旱多水災 黃白雲氣入斗諸侯來見天子

不測有使者來貢 黑雲氣入斗宗廟中有憂

赤雲氣入南斗外兵出入斗內兵出 黃白色出

斗天子使人於諸侯 青氣入北斗還勾南斗不

出一年其下有流血將死營空客勝主人

漢武帝元鼎中熒惑守斗占曰爲亂賊喪兵守之

久其國絕祀南斗越分也其後越相呂嘉其王及

太后漢兵誅之滅其國

和帝永元五年九月金在南斗魁中占曰大將死

十二月車騎將軍鴻坐追失制下獄死
順帝永和二年八月庚子熒惑犯南斗占曰斗爲
星絕祀熒惑犯之不期年國有憂有亂又曰多火
災明年五月吳興太守行承牟珍等及江賊蔡伯
流攻廣陵繞城郭殺郡尉

永和四年熒惑入南斗犯第三星斗貴相爲揚州
火犯之爲兵喪其六年大將軍梁商處九江丹陽
賊周生等有工役郡縣

靈帝景平元年十月熒惑入南斗其十一月會稽
許昭等聚衆自稱大將軍攻破郡縣

晉惠帝永興元年九月木金入南斗是後陳敏作
亂揚州

康帝建元三年閏月乙酉太白犯斗占曰爲喪天
下受爵祿九月帝崩太子立大赦賜爵

斗宿去極度數考

按斗宿本位居艮丑之次吳越揚州之分凡二十
五度夏秋見於南方故謂之南斗激清考斗宿居
北出見於南但北屬陰南屬陽北居子南居午而

陽生於陰午生於子猶針雖指午南其實恋子北
故斗宿雖見於南其實屬北是陰中有陽陽中有
陰天地之道不外乎陰陽而已孤陰不生孤陽不
成星宿亦然○十一月旦在卯十二月旦在辰正
月旦在巳二月旦在午三月旦在未四月旦在申
五月旦在酉四月昏在卯五月昏在辰六月昏在
巳七月昏在午八月昏在未九月昏在申十月昏
在酉

斗六星二十五度距西第三星去極一百一十
度入斗初度爲龜之首北方北宿有龜蛇之
斗居其首亦爲天廟亦爲天機機者樞機也五星
貫中日月正道爲丞相太宰之位漢有三公丞相
居一商有六大夫太宰居一酌量政事之宜褒進
賢良稟授爵祿故斗爲量器所以斟酌而授賞也
又主兵南斗有天樞天機故主兵○南二星魁也
爲天梁中央二星天相也北二星杓也天府也亦
爲壽命之期南斗有司祿司命故主壽初曰北亭
又曰天關又曰鈇鉞中庸云不怒而民威於鈇鉞

主吳蘇州屬地主君壽次主會稽紹興屬地次主
廬江廬州屬地次主豫章江西南昌屬地次主丹
陽鎮江屬地次主九江九江之名不同今江西鄱
陽爲九江又曰烏江蟒江烏白江嘉靡江畝江源
江廩江提江茵江爲九江又曰浙江揭江松江吳
江楚江湘江荆江漢江南江爲九江蔡九峰以爲
九江者洞庭之別名也蓋太水入洞庭名九江一
沅水出蜀郡由牂柯東北入武陵北至長沙入洞
庭二水漸出武陵索縣東入沅水三沅水出武陵
無陽縣南入沅水四辰水出武陵充縣西原山
入沅水今沅陵縣也五淑水出武陵充縣南入辰
水今淑浦縣是也六源水出武陵充縣西入沅水
卽今桃源縣也七醴水出武陵充縣歷山入洞庭
八資水出陵都梁路山東北入沅水今武岡縣也
九湘水出陵陽海山合沅水至長沙入洞庭今以
南斗考之洞庭爲九江近是○將有天子之事占
於南斗淳風曰南斗主德在焉
占曰南斗六星欲其均明明盛則君臣同心天下

安寧爵祿不僭風雨時若人主壽康五穀蕃昌暗
昏則君臣乖戾天下不安芒角動搖則忠臣失勢
天下愁慘大小不齊則上下乖離移徙則賢才逐
變色失常則陰陽不和宰相憂日食犯則君憂月
犯則大臣后妃憂火守火災水守水災金火犯大
臣憂兵起木留則天子福天下安土守則賞罰不
平女主淫佚彗孛守犯則將相誅戮黑白氣入則
大風黃氣入則將相有恩賜之慶

建星六星距西去極一百一十三度入斗四度在
斗背亦曰天旗爲天馬南三星天庫也中二星二
市也鉄鑽也上二星旗跗也鉄鑽斧也旗跗旗足
也木之受鉄者是也建斗之間七曜之道也古者
七曜冬至起於此因伺之候之

占曰建星動搖則民勞兵起月暈其間蛟龍見牛
馬死彗孛守犯則大臣謀叛水犯大水
天弁九星距西大星去極九十九度半入斗初度
在建星河北中市官之長也主列肆闌闐及市籍
之事可以知市稱也肆舖面也闌市垣也闌市外

門也籍簿也

占曰天弁明則天下通商金火守則司市之官有
憂彗孛守犯則商賈因稅叛
鰲十四星距東去極一百三十三度入斗十三度
在斗南爲水虫屬太陰主水族水族龜鼉羸蚌介
殼之類

占曰鰲星乃介物司水水守主水大
天雞二黑星距西去極一百一十度入斗十六度
在狗國北主司氣候察時節也候者伺也氣二十

匹氣候七十二候時乃四時節乃八節淮南子云
桃都山有大樹曰桃都枝相去三千里上有天雞
日初出照此樹天雞卽鳴天下雞皆鳴此亦謾談
識者詳之又曰天雞在天號天都星在人家之中
有五德一曰頭冠爲文二曰足距爲武三曰逢雄
則鬪爲勇四曰鳴不失時爲信五曰有食相呼爲
義雞者靈禽也太陽入地轉到地下子位而鳴又
云東海中有扶桑山地方萬里中國去九萬里中
有木如桑長者數千里大者數百里圍樹兩相扶

倚同根而生故曰扶桑上有金鳳雞鳴則天下羣
雞皆鳴兩說未知孰是存之漱清考雞者酉也日
交地下之西方上對地上時之丑則雞鳴焉此說
近是

占曰天雞候時五星犯則寒暑不時爲災彗孛守
風雨失時天下疫病國不安
天籥八黃星距西去極一百一十四度入箕初度
在斗柄西主鎖鑰之關閉也鑰乃鎖鑰之鑰籥乃
管籥之籥考之禮記及步天歌皆爲籥意古鑰籥

通用

占曰天籥明吉暗凶不見則門禁不謹出入無
忌彗孛守犯則門防暴刺客金火守掌籥之官言
憂災

狗國四黑星距西去極一百二十度入斗十七度
在建星東北主三韓○東夷有三韓國言三種也
一馬韓二辰韓三弁韓馬韓在西其地有五十四
國與樂浪南倭接辰韓在東十有二國其地與濊
貊接弁韓在辰韓之間其南亦與倭接凡七十八

管子地員篇
卷之三十一
國百濟是其一也○鮮卑史記云初炎帝之裔曰
葛烏兔世雄朔漠號東胡後匈奴冒頓單于襲故
國之餘衆保鮮卑山因爲號○烏桓亦爲東胡也
漢初匈奴冒頓滅之餘類保烏桓山因爲號也○
獫狁之屬史記云唐虞以上有山戎一曰獯鬻夏
曰淳維商曰鬼方周曰獫狁秦漢曰匈奴隋唐曰
突厥其實一也獫作獫詩云赫赫南仲獫狁於襄
又詩云薄伐獫狁以秦膚公此之謂也

占曰五星守外夷有變火犯守東夷兵起公逆犯
夷國亂彗孛犯守有大盜其王且來其星不直則
大大明則寇中原
天淵十黃星距東北去極一百二十九度入斗十
七度在鬘星東南一曰天泉一曰天海一曰太陰
主灌溉溝渠之事灌溉者注也廣四尺溝渠者通
渠水所居也深亦四尺

占曰天淵明吉暗凶不見則天下溝渠不通動搖
則天下江河漲溢主澇金火守則都水之官有憂
狗二黑星距東去極一百一十八度入斗一十二

度在斗魁前主吠守防奸回也格物論云狗畜以吠守也回者邪也書曰崇信奸回
占曰狗星如常則天下無奸淫邪盜失常則奸邪並起盜賊叢生

農丈人一黑星

在斗西南為老農一曰農正之官也主稼穡之事論語云樊遲請學稼子曰吾不如老農農正教民耕稼之官也說苑云木之秀實為稼又曰種之曰稼歛之曰穡又曰穀可收曰穡詩云不稂不莠又

詩云好是稼穡力民代食稼穡為寶代食為好云勤勞稼穡皆此之謂也漱清考農丈人謂之曰丈人決非農正官乃荷蓀丈人長沮桀溺荷蕢之流也若是農正官決不名為丈人其星又不欲大明明則天下高隱衆矣世道又可知焉

占曰農丈人如常吉木土守則天下歲穰火犯主旱水犯主澇彗孛守則農人因兵失業田地荒蕪

斗宿雜座

天弁



天弁九星在建星北入河中市官之長也主列肆
闌闌市藉之事商賈賦稅其星明大則市中物盛
不明則萬物衰耗天弁星欲其明大不明則天下
空虛五穀不成弁星羽也壬子候之羽亂危其財
有以女樂見主而爲害者○月犯天弁粟貴一犯
一貴○五星犯天弁囚徒兵起一曰五穀不成糴
貴民大飢客星犯天弁若出之有囚徒兵起五穀
大貴○流星入天弁糴貴人飢若犯抵之兵起將
士行○彗孛出天弁寶玉大貴穀貴五倍萬物不
足國大飢若守犯之囚徒兵起

建星

建星六星在南背下臨黃道一曰天旗一曰天門
主官也爲天之都官爲謀事爲天鼓又爲天馬南
二星天庫也中央二星市也鉄鎖也上二星旗也
也爲天之府庭斗建之間參光之道陰陽始終之
門七政所起其星均則大臣忠王者得天心不則
則天子失道忠臣不明參差不齊則天下亂動搖
則民勞一星不具人主惡之○月犯建星大臣相

諧一曰有亂臣更天子之法令一曰大將死易相
月掩建星有降兵易將月暈建星之口有德令月
在建星中食后妃姪姊黨有黜者○月暈建星五
穀不成大將死蛟龍見牛馬疫○五星守犯建星
大臣相諧死臣謀主關梁不通天下有水木星守
建星大旱民飢人相食天下物多暴貴一曰牛貴
一曰地氣泄貴人多死○木星入建星諸侯有謀
入關者遠不出百五十日○火星守建星大臣黜
貴人死馬貴宰相憂大旱一曰有叛臣三十日有
兵荊州占曰歲水民飢有自賣者諸侯有謀大旱
有戮臣者火星色青守建星北天下有辱主西六
天下有女主治者火星犯建星三十日色赤大旱
赤地千里民流滿道色赤黑天下有水女主憂臣
謀主大臣不親其君上下相疑兵起天子憂一曰
天下嬰兒多死火星入建星臣有逃走者津水大
出關梁不通郗萌曰火星入建星人主謀罷兵出
建星乃戰火入建星留守之二十日已上諸侯謀
反期一年火星舍建星有置王馬大貴土星守建

星居其陽田宅賤居其陰田宅貴○金星守建星
 外國使來出則有出使外國者一曰萬物不成久
 守彌惡守滿二十日有大赦入建星兵起關梁不
 通○水星守建星大水災穀貴○客星犯建星天
 子失道忠言者誅賢士逃亡彗孛犯占同○客星
 入建星年穀熟君不親大臣上下相疑主令不行
 又曰水大出橋梁不通○客星守建星人主自臨
 府事多盜賊客星來舍建星留不去有兵馬貴○
 流星入建星關梁不通兵起四塞民多盜賊天
 下有謀色赤者昌彗孛出建星占同流星入色
 者昌

彗星

彗星十四星在南斗南水虫也常居漢中主水候
 其星微而不明則澤時天下和星不居漢中則陰
 陽不和天下旱且有水災有易川彗不具有白衣
 之會以其去日占國○五星守犯彗星有白衣之
 會有火水守陽則旱守陰則水○水星入彗星天
 下大水去之則旱○火星守彗星天下有易水之

事流星入驚星國有大水○流星出驚星色青黑
水大色赤黃大旱視其所之命地若犯冲驚星水
虫死魚大貴○客星守驚星有白衣之會若犯之
有水災○赤星雲氣入驚星有白衣之會天下易
政

天雞二星在狗國北主候時動移失常則多失水

○熒惑舍天雞天下旱守之三十日雞夜鳴人盡

驚若犯之兵起金星犯天雞兵起土星犯天雞民

亡○客星入天雞西北之夷且來降守之大水

山摧○流星犯天雞兵起方伯彗孛出天雞雨暘

矢節水旱不時

狗國

狗國四星在建星東主呼韓鮮卑烏桓獫狁之屬

其星明則邊兵起不具則天下有大盜○月犯狗

國鮮卑烏桓匈奴之國亂五星守狗國外夷有變

○火星犯守狗國東方兵起太白順行守犯狗國

天子出兵伐鮮卑烏桓太白逆行則國為寇亂○

客星犯守狗國天下有大兵入之夷人貢奇物○
客星守狗國外夷之君長來中國犯之天下有大
逆

狗星

狗二星在南斗魁前主守禦星失其常所戒在守
禦之臣一曰狗星移動則臣庶爲亂○熒惑舍狗
星旱災羣狗嗥天下驚○太白守狗星守衛之臣
作亂○客星入狗星多土工北夷大飢守之占同
太白

天淵

天淵十星在鯨星東南一曰天海一曰太陰主漚
漚又主海中魚鯨○月行天淵中臣踰主五星守
天淵海水溢大魚出江河決火星犯天淵大旱
枯○客星犯天淵天下地動水出海魚出水與
平○流星犯天淵天下大水江河溢百川決○流
星出天淵色青黑所之地大水色赤黃所之地大
旱○彗孛犯守天淵百川流溢人多徙死

天籥

天籥八星在斗南杓西主鎖鑰開閉其星明則吉不明則管籥無禁○客星彗孛守犯天籥天下關門閉塞不通路

農丈人

農丈人一星在南斗西南箕星之東老農也主稼穡其星明則天下豐稔暗則飢不見則農失業一曰農丈人主歲豐耗在箕東則歲熟在箕西則歲耗箕南小穰箕北大穰○彗孛客星中犯農丈人天下不耕

卷之三十一終

管窺輯要卷之三十一

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全閱



牛宿論

牽牛六星天之關梁也主犧牲事北二星一曰
 路一曰聚火主道路關梁星動搖變色則五穀不
 成星明大王道昌關梁道通月五星客彗守犯吳
 越之分兵飢羅堰三星在牽牛東柜馬也以壅畜
 水潦灌溉溝渠也月五星客彗犯之主大水天田
 九星主天子畿內田天田南九星曰九坎主水旱
 事河鼓三星在天桴上天鼓也主軍鼓主鉄鉞一
 曰三武主天子二將軍中央大星為大將軍右星

管輅神書 卷之三
爲右將軍左星爲左將軍左星南星也所以備關
梁而拒難設險捍敵也動搖則兵大起直則將有
功曲則將失勢左右旗各九星在河鼓左右傍星
色黃潤則將軍吉色不正有兵憂星芒則馬貴星
動則兵起星差亂則上下相凌旗端四星南列曰
天桴主漏刻其星不明漏刻失時移近河鼓則軍
鼓用織女三星在天紀東端天女也主菓麻絲帛
之事明潤則天下和平大星芒角布帛大貴東足
四星曰漸臺主晷漏律呂之事西足五星曰輦道
王者遊戲之地彗星守犯宜戒收遊

牛宿說

牛六星中央大星去極一百八度半舉牛之全體
言之合距西二星爲度今曆家距中二星爲度而
西二星則入於斗蓋牛之西星不當日之度而中
二星當度故牛距魁而得六度牛之上爲中道乃
七曜所從起曆數之元三正之始易傳亦云日月
五星起於牽牛古曆以牛上星爲距太初曆改用
中星入古曆牛太半度郭守敬測赤道七度二十

分黃道七度五十分七曜之中道也其北二星一
 曰積路二曰積火又曰上一星主道路次二星主
 橋梁次三星主南越甘氏曰上一星主道路次二
 星主關梁次二星主南夷中一星主南夷犧牲移
 動則天下牛多殃明大則王道昌關梁通結則反
 是又曰明則牛貴細則牛賤殆非也南星移於上
 下牛多死若移入漢中多亂動搖色變則有災少
 星亡則牛多疫芒角亦然月暈損犢金次犯兵金
 犯將軍凶土木犯吉一作水月犯南星國有憂左

將軍死月犯熒惑將軍死月犯牛口國有憂客星
 出於牛臣謀反彗出有改元之象

天田九星在牛南井田之象主天子畿內之田占
 與角之天田同火守則旱水守則潦

九坎九星在天田東南主溝渠所以導達泉源流
 瀉盈溢明盛則有水災夷狄侵邊暗則吉五星犯
 之溝梁不通

左右旗各九星在河鼓兩傍天子之太常皆巡行
 之所有事者也兩旗相為旌表星明則將軍吉搖

管子地員篇
則兵起怒則馬貴不居其所則津梁不通差戾則相侵凌奪

天桴四黃星左右旗之端南北相列所以擊鼓亦主漏刻之事舊在黃道北唐志測當黃道暗則漏刻失時動搖則軍鼓用近河鼓則凶與鼓相直尤凶

河鼓三星在牛北天之路鼓也主軍鼓及鈇鉞一曰三武主天子三將軍中央大星爲大將軍南一星爲左將軍北一星爲右將軍所以備關梁設險

阻以拒難也正直明大色黃光潤將軍吉不正而暗爲兵憂若動移差度亂兵起直則將有功曲則將失律奪勢古雅云河鼓謂之牽牛天原發微云河鼓星亦名牽牛古樂府歌云東飛伯勞西飛燕黃姑織女常相見黃姑卽河鼓也乃俗聲之轉耳容齋洪氏隨筆曰宋蒼梧王七夕令楊玉夫伺織女渡河曰見當報我不見當殺汝錢希白洞微志載蘇德哥爲徐肇祀其先人曰常夜半可以益候鬼宿渡河之後翟公巽作祭儀十卷云或祭於春

或祭於旦皆非是當以鬼宿渡河爲候而鬼宿渡
河常在中夜必使仰占以候之葉少蘊云公巽博
學多聞援証皆有據不肯碌碌同衆所見必過人
予按天文經星終古不移鬼宿隨天西行春昏見
於南夏晨見於東秋夜半見於東冬昏見於東安
所謂渡河及常在中夜之理織女晨昏於與鬼宿
正相反其理則同蒼梧王昏悖小兒不足笑錢希
白翟公巽葉少蘊三公皆名儒碩學亦不深考如
此杜甫詩云牛女漫愁思秋期猶渡河又詩云牛

女年年渡何曾風波生梁朝劉孝儀詩云欲待黃
昏至含嬌淺渡河唐人七夕詩皆有此說乃率俗
遣辭之過故杜甫又有詩云牽牛出河西織女處
其東萬古永相望七夕誰見同神光竟難候此事
終朦朧蓋自洞曉其實非他人比也

織女三星在河北當天紀之東端乃天孫貴女也
主稟麻絲綿寶玉王者至孝神祇咸喜則織女明
明則女工善天下和平暗則兵起星怒而角則布
綿貴暗而微則女工廢周禮典婦工后妃夫人無

不勤於絲麻故主貴女織又主嫁娶
漸臺四星在織女東足臨河之臺讀作漸民以仁
之漸占驗必登高遠眺故有漸臺主漏刻律呂之
事明則陰陽和
輦道五星在漸臺東北織女西足天子馳道所以
渡神通四方主巡行天下水陸之道也動搖及金
火守則御路兵起

羅堰三星在牛東舊當黃道今測在黃道北主堤
塘壅蓄為灌溉之渠大而明則水泛濫天原發微
作九星悞矣天文略作三斜星或作鼎足之形
牛宿主道路關梁南城犧牲度七度二十分
尺為黃道餘見斗宿下

牛宿歌

六星近在河岸頭頭上雖然有兩角腹下從來欠
一脚牛下九黑是天田田下三三九坎連牛上直
建三河鼓鼓上三星號織女左旗右旗各九星河
鼓兩畔左邊明更有四黃名天得河鼓直下如連
珠羅堰三鳥牛東居漸臺在何許欲得見時近織



女

牛宿考

織女三星在河鼓北主瓜菓絲綿珍寶足常向扶
 筐○漸臺四星在織女東足臨水之臺主晷漏律
 呂之事○輦道五星在織女東天子戲嬉遊之所
 ○河鼓三星在天桴北主軍鼓中央大星大將軍
 也南星為左將軍北星為右將軍○二旗各九星
 列河鼓左右皆天之旗鼓主設備知謀○天桴四
 星在河鼓南右旗端南北列主漏刻○羅堰三星

在牛宿東主堤塘水源灌溉田園○天田九星
 牛東南天子畿內之田○九坎九星在天田南主
 水旱備渠水泉

牛六星主犧牲事一曰天鼓一曰天關上二星主
 道路次二星主關梁中大星主牛後一星主南夷
 明大則吉暗則民失業牛多死五星犯兵起後志
 云七曜之起始於牽牛律書牽牛言陽氣行萬物
 出也博物志張騫乘槎窮河源嚴君平占客星犯
 斗牛又云太白犯牽牛將軍凶

天田九星在牛之南畿內之田苗實式思之

九坎九星在天田之南主溝渠明盛有災夷犯邊
河鼓三星在天桴之北天鼓也中大星爲大將軍
右爲右將軍左爲左將軍明大光潤將軍吉動搖
差度兵亂直則將有功曲則將失律

左右旗各九星在河鼓之東西枕河中皆天子旌
旗也明潤將軍吉動搖兵起

天桴四星在牛之北主刻漏之事明吉動搖軍鼓
用

漸臺四星在河鼓之北織女之東足主晷漏律呂
陰陽之事經曰漸臺飛灰而候呂是也

輦道五星在織女之東漸臺之東北主天子遊宮
嬉戲之事經曰輦道清塵而俟駕是也

織女三星在漸臺西天女也主瓜菓絲綿珍寶及
乞巧之事經曰察日月之行以揆歲星詩終日七
襄

羅堰二星在牛東主灌浸不宜大明

牛宿牽牛六星八度距牛中央星去極百一十度

在黃道內四度太木星也春夏爲木秋冬爲火上
二星如連李名曰卽路一曰聚火主七政之行路
次一星主關梁次三星主吳越之分野中動則牛
疫遠漢下牛貴及疫直米價平曲米貴昏則賤色
變動搖五穀不成牛多死明大王者昌關梁通亦
主犧牲之事中星高下牛殃入漢中多牛疫死中
星大明爲七政始日月五星行起於此○木守之
久牛多死天下平久守有水人多飢凍而死賣男
女有虎狼害人臣謀君上○木逆行守之有水災

道不通○火守之地氣淺有兵起至城下人多死
○土守之牛賤有賊謀主君失土○金守之兵起
人多死○水守之冬期牽牛若不朝來年五穀不
熟人多損害○客守之二十日有兵起彗孛行歷
牛星吳有白豕立王○彗孛出牛七十日收夏
大兵起四夷不通○日月蝕牛中大有賊兵起
蛇出牛分中有壞城月暈圍牛損小兒也

牛宿總叙

牛六星曰牽牛一曰天鼓木星也一曰天關爲關

祭主犧牲之事陽氣始於牽牛日月五星常貫之
爲中道中央大星之始七曜之行起於此其上二
星一曰卽路一曰聚火主道路次二星主關梁次
一星主南夷其中大星主年年星明大則王道昌
關梁通天下寧不明則五穀不成牛多災其小星
大則牛貴小而明則牛賤色怒則馬貴移動則牛
多殃星亡則牛盡死小星芒則小牛死星始見多
色黃則大豆賤色黃則大豆虫傷色白則大豆貴
星近漢則天下牛貴入漢中則牛疫死星直則穀
價平星曲則米貴失常變動則五穀不成甘氏曰
牛上二星主道路次二星主關梁次一星主南越
動搖色從而占之牽牛亦爲將軍中央大星左右
出則大將心不正前星左右出則前將軍心不正
後星左右出則後將軍心不正所謂前者大星南
星也後者大星北星也

日月變異占

日在牛蝕其國兵甘氏曰戎在後夫人嬪婦有犯
祝幸者曰日暈於牛陰國憂暴兵起

月在牛食其國叛兵起天文論曰其分飢一日後宮有當黜者

月暈於牛小兒多死軍暴將相郝萌曰五穀不成黃帝占曰有兵戰牛兒多死荊州曰牛牟貴武氏曰有水災乙巳日月暈牛女子貴月以冬三月暈牛一百四十日有赦亦為有賜之令

月變於牛關梁閉塞將有農令犧牲之事四足虫多死

月犯五星干犯占

月犯牛牛疫馬牛羊暴貴賤犧牲之官憂將軍奔道路阻關梁塞天下有詐穀大貴大國有憂將軍死陳氏曰天下有大誅牛多死○月乘牛天下大水人相棄於道一曰兵起多死武氏曰犧牲傷其主官有憂

歲星守牛天下和平石氏曰守之三十日至九十日四夷來朝海中占曰木守牛臣謀君米貴三月乃復巫咸曰馬災五穀多傷一曰陰陽不和農人死野孝經援神契曰木守天關在其北民流在其



西民多以風災死者又爲虎狼入國在其南狗多
狂亡在其東不利嬰兒郗萌曰木守牛東其春牛
大疫守南夏牛疫守西秋疫守北冬牛疫又木守
牛南三尺旱守牛北五尺水陳氏曰木守南五穀
以旱傷守牛東萬物不成人流亡六畜多疫死中
爲甚大臣有謀事守牛北人多凍死守牛西地氣
發洩歲多水天文曰木守牛光明潤澤則粵人來
貢木犯牽牛越人有獻金銀者○木犯牛而留之
有兵戰破軍殺將一曰牛多死○木入牛農死於
野陰陽不和五穀多傷郗萌曰天下牛車行諸侯
有失期者荊州曰歲多水虎狼害人又多寒人凍
死一曰臣謀主民飢貴人多死小兒亦多死○木
經牛石氏曰越人以金銀來貢一曰金革貴歲飢
人有自賣者○木逆行牛君不愛其親戚一曰官
中火災木乘牛女郗萌曰有大水兵起人相棄於
道○木舍牛虎狼入國邑歲旱○木出入留舍牛
大將出客兵來大臣有誅死者不出三年○木逆
行犯牛環繞勾已之大水災道路不通○木舍牛

管見輯要 卷之三十一 三
虎狼入邑歲旱○木出入留舍牛大將出客兵來
大臣有誅死者

熒惑守牽女有逆臣牛貴千倍人飢相食兵起將
軍起大水津梁不通黃帝占曰民爲亂貴人多死
巫咸曰多火災天下牛多疫道無行牛一日當有
脫牛之事海中占曰旱一曰有急行一曰有犧牲
之事有反者從中起有走軍死將期一年郝萌曰
月火以十月守牛六十日兵大起一曰越王死米
大貴天子有疾火犯牛郝萌曰國君外其大臣陳

氏曰臣謀主甘氏曰諸侯將兵人飢國亂大人
之○火犯牛而守之甘氏有破軍殺將○火入
巫咸曰米大貴石氏曰越王至死不死則逐一曰
歲大水津梁不通五穀傷○火入牛而守出其南
而守之有大赦○火乘牛天下大水米貴人相棄
於道○火出入留舍牛居其無居其國爲憂海中
占曰春早秋水關梁不通齊伯占曰牛大貴新荔
急留三十以上客兵來○火逆行牛有反者兵起
大飢

鎮星守牛有逆臣欲謀君在陽田宅賤在陰田宅
貴石氏曰天下有急諸侯亦多忠烈者有大赦守
牛南爲天子憂守北爲吳國有憂郝萌曰土守天
關氣洩貴人多死春秋合誠圖曰大人有疾牛馬
疫死海中占曰兵起憂寒人疾郝萌曰穀貴又曰
山崩地震冬雷人病湧水出其急令陳氏鹽貴○
土逆行牛女生爲奸○土乘牛天下大水兵起人
相棄於道○土入牛天下車牛大動一曰有盜賊
○土經牽牛春秋圖曰天下求皮革筋革出入留

舍牛有失地之君○土犯牛天下土役興○土犯
牛而守之甘氏曰有兵戰破軍殺將

太白守牛土氣洩有兵至城下人多至黃帝占曰
吳越兵起牛多死十日不下牛大貴石氏曰有急
令海中占曰有大赦巫咸曰五穀不成兵革起人
多妖言荊州占曰有兵戰人死一曰犧牛死甘氏
曰將爲亂大人憂國易政一曰關梁不通石氏曰
太白守牛北民流亡守其西虎狼入邑守其南多
狂狗守其東嬰兒多死○金入牛海中占曰天下

牛車急行郗萌曰大臣爲亂一日天子車馬在道
路荊州占曰兵起人多死○金入牛而守之大人
犯將軍失衆關梁不通國易政將軍爲亂大人憂
國有大兵○金犯牛而守之有破軍殺將○太白
出入留舍十三日留舍不下牛大貴五十日不下
有兵至越城下

辰星入牛五穀不成○水守牛湧水爲敗守之久
牛多死一曰人飢有凍死者臣謀君虎狼害人巫
咸曰五穀不成一曰牛度犧牲死海中占曰大水
民棲丘陵齊燕尤甚郗萌曰人流荊州占曰關梁
不通○水犯牛湧水出五穀不登有敗將軍將爲
亂貴人死民多死喪關梁道路不通牛多死○水
犯牛遂守有破軍殺將○水乘牛大水大飢人相
食棄於道○辰星急遇牽牛水出一度一出五度
小出六度大出地爲之震○辰星恒以冬朝於牛
當朝不朝名曰失律二時不朝名曰失政三時不
朝五穀不登

客星流星彗孛于犯占

客星守牛有兵石氏曰越人有獻犀象者郝萌曰
天子外其大臣地軸占曰地大震一曰水族起牛
馬貴甘氏曰赤星守牽牛民爲亂○客星犯牛石
氏曰吳越兵起有自立者○客星入牛有兵一曰
有諸侯客來以四足幣以邑言其吉凶郝萌曰大
臣交諸侯其色赤黃白謀成青黑敗乙巳占曰臣
謀主五穀不登歲多水盜賊在江海客星出牛君
使入於諸侯以四足爲幣色青道病黑死不主一
曰客星出牽女兵起大將出關梁阻塞地大震牛

馬貴三倍期二年海中占曰人多死郝萌曰兵北
行或曰諸侯有反者

流星犯牛其地將死一曰大將出期六月有四足
虫乙巳占曰王欲收改事春犯五穀熟秋冬犯五
穀貴一曰水災○流星出斗牛天下民流亡入牛
色黑牛馬疫死色黃牛馬昌關梁通四夷入貢乙
巳占曰赤流星入牽牛將受命出之將軍從星所
止

彗孛出牛天下有改更之事不出七十日一曰四

夷兵起人主憂粟貴牛死○慧孛犯牛國兵起吳越有亂牛死火災一日天下更革有易姓○慧孛行歷牽牛其分國亡石氏曰吳越有自爲守而敗者

雲氣干犯占

蒼白雲氣入牛多死出之則災消○蒼白雲氣入牛橫革有兵喪除舊鼎新黃白雲氣入牛牛蕃息一日諸侯有以四足虫入貢者○黑雲氣入牛天下牛多死

赤雲氣入牛牛馬多以漕轅死者出之則兵出○赤雲氣如波揚入牛有兵大戰牛馬大損人牛白雲氣入牛有兵喪○虹出南牛之度有崩城期二年

晉元帝升平三年七月戊子月犯牽牛中央大星占曰牛大星爲大將月犯之將軍死十月諸葛飲舟師入河敗沒豫州刺史謝萬入朝衆潰而歸除名司徒會稽王以三鎮兵敗

孝武寧康二年閏月己未月掩牛大星占曰左將

軍死三年五月丙午中郎將王恒之薨

牛宿去極度數考

按牛宿本位居丑之次吳越揚州之分凡七度十二月旦在卯正月旦在辰二月旦在巳三月旦在午四月旦在未五月旦在申六月旦在酉五月昏在卯六月昏在辰七月昏在巳八月昏在午九月昏在未十月昏在申十一月昏在酉
牛六星七度距大星去極一百零八度半入牛初度爲天之關梁日月五星之中道主犧牲色純曰

犧體全曰牲又曰未殺曰牲亦曰天鼓主四足之

虫說文云有足謂之虫

其北二星一曰卽路二曰聚火又曰上一星主道路故曰卽路次一星主關梁故曰聚火關者閩津梁者橋梁次三星主南越交趾女直閩廣皆南越之屬地漱清考牛乃丑分吳越皆屬其地古姑蘇會稽皆稱蠻夷若指閩廣則遠指交趾女直則又遠矣次三星屬姑蘇會稽是甘德曰上一星主道路次二星主關梁次二星主南夷亦屬姑蘇會稽

地中一星中間一星也格物論云牛大牲也

占曰陽氣始於牽牛日月五星常貫之爲中道中
央大星七政之始七曜之行起於此牛移於河中
天下大亂中星主牛移動則牛多災明大則王道
昌星曲則糴豐天下寧不明則五穀不成牛多災
○彗孛行立牛吳越自立爲王移動則牛多死牽
牛又爲將軍中央大星左右出則大將心不正前
星左右出則前將軍心不正後星左右出則後將
軍心不正前者南也後者北也金火犯兵災

天田九黑星距西北去極一百一十六度入斗二
十三度在牛南主天子畿內之田也亦主農器畿
者邦畿王者京都之內地也詩云邦畿千里惟民
所止農器耒耜之屬

占曰天田明則五穀熟黍稷盛旣成暗則歲歉不熟
祭祀不備火守主旱水守主澇水土留則年穀豐
登

九坎九黑星距西北去極一百四十一度入牛初
度在天田東主溝渠所以通達泉源也泉者源頭

活水也活水自山谷出曰泉源
占曰九坎明大動搖則主水滂夷狄侵邊如常則
吉而川源澤通不見則百泉不通江河枯竭天下
旱水犯則天下澇
河鼓三星距中大星去極八十三度入斗二十二
度在牛北天鼓也主軍鼓及鈇鉞一曰三武主天
子三軍中央大星爲大將軍在南星爲左將軍在
北星爲右將軍解見前皆所以備關梁設阻險而拒
難也爾雅六河鼓謂之牽牛故歌曰東飛鳥北飛
飛燕黃姑織女時相見黃姑卽河鼓也詩云皖彼
牽牛不以服箱其謂此也

占曰河鼓正直明大光潤則將軍吉動搖差吳則
兵起直則將帥有功曲則將帥失律又曰河鼓房
次亂兵起芒角則將帥雄猛不正則兵憂慧字犯
則將軍叛

織女三星距大星去極五十二度入斗五度在天
紀東天女也主瓜菓綵綿寶玉也張衡云牽牛織
女也七月七日渡河相見者卽此故杜詩云牛女

設悲思秋期猶渡河劉孝儀詩云欲待黃昏至合
嬌淺渡河張文潛七夕歌云東河美人天帝子河
西嫁與牽牛夫故後人七夕詩皆有此說自是遣
詞之過理不可信也詩云跂彼織女終七襄
占曰王者至孝神祇咸喜則三星俱明天下和平
其星大怒角則布帛貴又曰明則女工得暗則女
工廢

左旗右旗各九星左旗距西第大星去極七十三
度入牛初度右旗去極八十八度入斗十五度在

河鼓左右天之旗鼓也主聲音設險以知敵謀也
周禮春官大宗伯司常云旗有九旗所以爲尊卑
貴賤之表幟也一日月爲常王建之二蛟龍爲旂
諸侯建之三通白爲旛孤卿建之四雜白爲物大
夫士建之五熊虎爲旗師都建之六鳥隼爲旗州
里建之七龜蛇爲旐縣鄙建之八金羽爲旟道車
載之九析羽爲旌旂車載之敵者敵對也從文從
商者商屬金屬秋有殺伐之意激清考有文旗武
旗二旗左黑微屬文右旗明顯屬武列國有懸旌

漢有赤幟皆武旗類孟子云庶人以旃士以旂大夫以旌皆文旗類第右旗文武各有九今之文武旗又不止九矣侈靡相高過分違制豈止於九占曰兩旗如常則文武各安其分職搖動芒角兵起金火守犯犯左文凶犯右武凶彗孛守犯凶更甚

天桴四黃星距大星去極九十四度入斗二十四度在牛南北橫列桴鼓也主漏刻桴鼓事按漏刻法以銅爲壺受水有二天池一夜天池一晝天池又一曰平壺又一曰萬水湖下有水海又爲渴壺以引水玉龍口吐出入灌器漏水一斤稱重一斤時經一刻晝夜百刻水重百斤此其大略也若定四時加減晝夜又別有書漱清考壺龍口用玉者取其冬天極寒不凍水晝夜能長滴也故名爲玉漏

占曰天桴如常則四時正風雨時若天下豐稔失常則水旱爲災

羅堰三黑星距北去極一百零九度入牛四度在

管子地員篇 卷之二十一
牛東主堤塘壅蓄水潦灌溉田苗之事壅者塞也
蓄者聚也潦者無源之水也禮月令云季春天子
命司空曰時雨將降水土騰循行國邑周視原
野修利隄防導達溝瀆開通道路毋有障塞壅闕
亦爲拒馬言築堤塘以拒止牛馬雞兔至傷田苗
占曰羅堰明大則天下水漲泛流溢水守天下水
災火犯主旱土守津梁壅塞黃河竭塞

漸臺四星距東南去極五十八度入斗十一度在
織女東足臨水之臺也主漏刻律呂事漱清考音
有五律有六律呂正則天下斗尺權度皆準於此
占曰漸臺如常則天地陰陽和四時順暗而不見
陰陽乖戾權量有差刑法倒置綱紀解紐
輦道五黑星距西去極四十七度入斗一十一度
在織女西足天子嬉遊之道也莊子曰含哺而嬉
鼓腹而遊者戲也

占曰金火守則御路兵起彗孛守則輦轂下皆敵

國

牛宿雜座

織女

織女三星在天市垣東一曰天女一曰東橋天帝之女也主經緯布帛絲枲之事又主瓜果主收藏珍寶以制衣裳成文繡天之水官也星足常向扶筐牽牛亦常向織女之足移徙則布帛貴倍且有
大喪一曰大星爲母后二小星爲女子王者至孝神亦咸喜則織女三星俱明天下和平布帛賤不明反是其大星怒而角則布帛大貴一星不明則兵起女子爲移星不居其處天下以女子爲憂織

女之道與貫索相直不相直則天下有急布帛貴織女入漢則天下婦女皆水行移動變色則地動牛疫微暗天下女工廢織女一足亡則兵起女子爲變一曰女病常以冬十月視織女晨出東方色黃赤精明則女工善不明則惡月犯織女女主凶月暈織女兵起○歲星守織女天下有女憂兵起不出其年○火星入犯乘守織女兵起十年方解一曰貴女憂布帛絲枲貴天下有女喪產婦多死○土星犯守織女有女憂兵起○金水犯守織女

占同土星一曰后妃有憂○客星犯織女布帛五
穀俱貴天下旱守其南南方貴守其東西北皆然
有兵十年乃解一曰有女使來若乘犯之君死客
星犯織女天子女誅死后族有亂黑星入織女淫
婦憂赤星入織女天子伐一國殘之黃星入織女
女子受地青星入織女女子有憂來○客星出織
女宮人逃后族爲亂有戮臣一曰貴人有誅者黑
星出織女女子多懷子死○客星守織女有嫁娶
之事若乍入乍出前後左右迴還之者以五色占

同前郝萌曰客星守織女山搖地動色黃白則宮
人有喜石氏曰客星出入織女有誅臣臣降主客
居織女天下兵起有戰不出十日○流星入織女
女主憂若有白衣女來會一曰后族有黜者有大
水流星犯冲織女女主不寧諸侯大憂○流星出
織女有賊自內出有白衣會有兵民飢流亡○彗
孛犯織女后族爲亂貴女有誅若出之有降王后
爲政○蒼白雲氣入織女女主憂病一曰人主憂
出則禍除○赤氣入織女有以女子故而家受誅

者○黑氣入織女王者爲女所害一曰女子多病
死○赤氣出織女女子多死外兵白氣入織女有
女喪黃氣入織女天子以女幸家出之天子外得
美女

漸臺

漸臺四星在織女東足主漏律呂之事臨水之臺
也其星明則陰陽和律呂調不明則反是○彗星
客星犯漸臺陰陽舛逆一曰帝出走○流星犯漸
臺火災天子出走

輦道

輦道五星在織女西足天子嬉遊之道也其星動
搖踈折則天子戒出遊○金火守輦道御路兵起
流星犯冲輦道天子出獵○彗孛出冲輦道御路
中伏兵天子宜戒畋遊備不虞

河鼓

河鼓三星在牽牛北一曰天鼓一曰三武一曰三
將軍中央圭大將左星左將軍右星右將軍左星
南星右星北星也河鼓金官也主軍鼓又主斧鉞

主外關主軍喜怒所以備關梁設險禦難其星正直而明大黃潤則吉易次則亂兵起怒則馬貴芒角則將雄猛動搖則兵大出河鼓直則將有功曲則將失計河鼓不正或變色皆爲兵憂○月犯河鼓左星左將軍死犯右星右將軍死犯中星大將軍死有軍在外則敗無兵兵起○歲星犯河鼓將有誅者視其所中若守之將有罪○歲星入河鼓諸侯之將出大兵起主憂期一年○熒惑犯河鼓大將死以其所中命之守河鼓軍食絕大將出有戰守中星大將憂守左右星左右將軍憂去速則兵罷速去遲則兵罷遲不出其年居河鼓中若守之兵大起○鎮星入守河鼓大將有錫土受封者若犯之將軍憂○太白辰星犯守河鼓皆爲兵起將軍憂以其所中命之○客星出河鼓皆爲兵出旗鼓大用穀貴軍乏糧大星出河鼓所之國將驚○客星入河鼓三軍出野軍吏憂驚色赤有兵戰色黃帝安色蒼軍不用赤星入河鼓大將驚黑星入將死若守之軍絕糧將軍戰死○流星入河鼓

管子地員篇
卷之三十一
兵起大將出若抵之有死將以所中命之○流星
出河鼓旗鼓出諸侯作亂兵車四出犯河鼓天下
雷非時鳴水虫出○彗孛出河鼓天下兵起旗鼓
出天子敗○彗孛入河鼓兵起將憂若犯之有將
死以所中命之○蒼白氣入河鼓將有憂君在外
敗天子之軍將死出之則禍除赤氣入河鼓兵起
客軍入赤氣出河鼓軍出戰不勝黃白氣入河鼓
有衆來降者出之將有喜黑氣入河鼓將死青氣
入河鼓將憂

左右旗

左旗九星在河鼓之左右旗九星在河鼓之右河
鼓之旗也主設備知敵謀其星明潤則將軍吉動
搖則凶起怒則馬貴不明將軍憂旗動搖而靜者
大將出不可逆當隨其所指繫之大勝旗星長軍
鼓亂士卒相凌國受兵○月五星犯左右旗兵起
將憂○彗孛客星守犯左右旗將死兵在外者敗

天桴

天桴四星在左旗南北列天之浮也主漏刻其星

不明則漏刻失時動搖則桴鼓用桴鼓相直亦然
天桴移近河鼓則軍鼓用○太白守犯天桴兵起
客星守天桴漏刻失時

羅堰

羅堰三星在牛宿東主堤塘以蓄水灌溉一曰控
馬之象也主渠堰其星明大則大水爲災○彗孛
客星干犯羅堰大水暴起

天田


天田九星在牛宿東南天子畿內田也與角北天

田同古○歲星守天田年豐歲熟火星守天田
五穀不成○水星守天田大水太白提天田出入
大水五穀霜死○客星入天田天下飢○彗孛
天田農失業

九坎

九坎九星在天田南水官也主水旱之事九坎主
溝渠水泉盈溢其星小而明陰陽和川澤通不明
則川泉不通河海枯竭天下大旱人飢明大角張
則有水災○月暈九坎水災○五星守犯九坎天

下大旱五穀不登大飢一日行其陽旱行其陰水
火星守九坎名水不流一日水災○客星出九坎
在陽為旱在陰為水○流星犯冲九坎有水旱之
災從南入旱從北入水○彗星入九坎南大旱北
大水○赤雲氣入九坎天下大旱黑雲氣入九坎
大水



管窺輯要卷之三十一終

